

ር.አ.ሰ ኢ.ሰ.የሰ አፍወርቄ፣ ልኩክ መፈወድዮት እቅትሳድ መዝመት ምጅልሰ ቅራን እግል አፍሪቀ ልትከበት

ር.አ.ሰ ኢ.ሰ.የሰ አፍወርቄ፣ ማሌ 27 ነገሱት ምን ገጽ ፈጅር፣ እብ መሰከራ ተንፊዚ መፈወድዮት እቅትሳድ መዝመት ምጅልሰ ቅራን እግል አፍሪቀ (ECA) ሚስተር ክሌቭር ጋቴቴ ለመርሐዩ ወፍድ፣ ዲብ ዐዲ ሀሎ እንዴ ትክበተ ሀደግ ምሰሉ።

ዲብ ጆልሰት፣ ር.አ.ሰ ኢ.ሰ.የሰ፣ ዲብ ኤራትሮፕ ገብእ ለሀለ በራምጅ ዐማር አግደ ዲብ ሳፍዮት እዳረት ምድር ወማይ ለአተንክበ ክምሰልቱ ዲብ ሸሬሕ፣ ኤራትሮፕ እብ ናይ ክርሰ መቅደረተ ዲብ መጃላት ሐርሰ፣ ብንዮት ትሕትዮት፣ ጣቀት ወብዕድ ትሰርግሉ ለሀሌት በራምጅ እብ ፋዩሕ አብረሀ።

ቃረት አፍሪቀ እብ ሰብብ ድብር፣ ፈሳድ ወሰዱ ለሐልፈ መትኦታይ ዲብ ቅደይ ክርሰ ትትቃወም ዲብ ሀሌት እቱ ወክድ፣ እብ መንጠቀት መንጠቀቱ ለልትንዝም እግል ናይ ሕበር መሳልሕ ለለአትናይት መትንዝም፣ አሰክለ ታክሉ ለሀለ

መሐለኪት ልትባተክ ምን፣ ተርጀመት ክምሰል ኢትሀሌ እሉ እት ለሐብር፣ አሰልፍ እግል ሰእዮት ሰኔት ለብእቱ መሳልሕ ሕበር ለልትወጤ ተዋልል እግል ልጥፊሕ ክምሰል ወጅብ ር.አ.ሰ ኢ.ሰ.የሰ አፍሪቀ።

ኤራትሮፕ ወለሀሌት ምሰሉ ገወውር እብ ሕበር እግል ልጠወር ሐቀመ ገብእ፣ እብ ሸሬት ሕበር ሸቅዮት አሀምዮት ዛይደት ክምሰል ቡ እንዴ ሐበረ ሀይ፣ እሉ እት ፍዕል እግል ልውዕል ሕኩመት ኤራትሮፕ ምሰል መፈወድዮት እቅትሳድ መዝመት ምጅልሰ ቅራን እግል አፍሪቀ እግል ትሸቄ ዱሊት ክም ሀሌት አክደ።

ዲብ ልቃእ፣ እብ ጀሀት ኤራትሮፕ ወዘር ካርጅዮት አሰይድ ዐ-ሰማን ሳልሕ፣ እብ ጀሀት መዝመት ምጅልሰ ቅራን ሀይ መመቅረታይት መካትብ ናይሰ መዝነት ዲብ ኤራትሮፕ ሚስ ናህለ ሻልጂ ሓድራም ዐለው። ዲብ ኤራትሮፕ ናይ ሰለሰ ምዕል



ዝያረት ሸቅል ወዲ ለሀለ እብ መሰከራ ተንፊዚ መፈወድዮት እቅትሳድ መዝመት ምጅልሰ ቅራን እግል አፍሪቀ ሚስተር ክሌቭር ጋቴቴ ለትመረሐ ወፍድ፣ ምሰል ለትፈናተው ሰብ ሰልጠት ሕኩመት ኤራትሮፕ ዲብ ናይ ሸርክት በራምጅ ዐማር ለረከዘ ጆልሳት እግል ሊዴቱ።

ጃልዮት ኤራትሮፕ ዲብ ኖርወይ ምሰል ኤራትሮፕ ወግዳተ ለለአትምር ዕፌ ትቀድም



ጃልዮት ኤራትሮፕ ዲብ መዲነት ትርድሃይም ወድዋረ- ኖርወይ ጃልዮት ለትፈናተዮ ድወል ዲብ ሻረከው እቱ ማህራጃናት ዓዳት፣ ምሰል ኤራትሮፕ ወግዳተ ለለአትምር ዕፌ ቀደመት። ዲብ ዮም 24 ነገሱት

ዲብ ገብእ ማህራጃን፣ ጃልዮት ኤራትሮፕ ለቀደመቱ እብ ዕፌ ለቡብሰ ለገምለ ሰሰዲት፣ ዕፌ ሰወር ወአላት ዓዳት እብ መተቅብለት መትዐጃብ ክም ረክበ ለበጽሐተነ ሐብሬ ኦትአመረት። እትሊ ማህራጃን ዓዳት፣ ዲብ

ኖርወይ ለሀለዮ ለትፈናተዮ ጃልዮት፣ ምሰል ድወለን ወግዳተን ለለአትምር ጽበጥ ክም ቀደመዮ፣ ምነ አካን ለበጽሐተነ ሐብሬ ኦትአመረት።

ዐንሰብ፣ ሕጃባም ዲብ ማሕበር እግል ልትከምከም ሊክ ትትቀደም

እት አቅሊም ዐንሰብ ለሀለው ሕጃባም፣ መትንፍዐት ልትረከብ አብካት እግል ልግብእ ዲብ ማሕበር እግል ልትከምከም ሊክ ትቀደመት። ር.አ.ሰ ፈርዕ ማሕበር ሕጃባም አሰይድ መሐመድ-ብርሃን ጆማል እት ሀበዮ ሐብሬ፣ አንፋር እብ ረከቡ አብካት መናበረቶም እግል ትሰኔ ወናይ ምህነት መቅደረቶም እግል ትትወቀል ጅሀድ ክም ገብእ ወሰዳይት ማል ክም ትገብእ እንዴ

ሸርሐ፣ መትንዝም ሐለት ሰበት ቱ፣ አሰክ እለ አንፋር ማሕበር ለኢገብእው ሕጃባም እግል ልትከምከም ትፋኑ። ፈላጎት መጅተማዕ ዲብ ትትወቀል ሰበት መጽአት፣ ብዝሓም ሕጃባም መትንፍዐት አብካት ተዐሊም እንዴ ገብእው፣ አሰክ ደረጀት ተዐሊም ውቁል ለበጽሐው ወልትደሐረው፣ እት ክምሰልሁመ በክት ሸቅል ለረክበው ክም ሀለው፣ አሰይድ መሐመድ-ብርሃን እብ

ተውሳክ ሸርሐ። እት ደንጎኦብ ሀይ ሕጃባም ምን ማሕበር ለለአትሐዝዮም ጠለባት ወመሳልሕ እግል ልርከብ መክተብ እግል ልትከሰት እግሎም ጠልቡ። ማሕበር ሕጃባም፣ ምሰኩናም ሐርብ ምሕርቦት እብለ ትፈናተ አሰባብ ዐወር ለሳደፈዮም ጅሃት ለከምክም ዲብ ገብእ ዲብ አቅሊም ዐንሰብ 65 አንፋር ስጃላም ቡ።

ገሉጅ፣ ዓፍዮት ንዋይ እግል ትትአከድ ለትነሰአት ምሰዳር ፍገሪት ትትረከብ ምነ

እት ምዴርዮት ገሉጅ ዓፍዮት እግል ትትአከድ እብ ውዛረት ሐርሰ ለትነሰአት ምሰዳር ፍገሪት ክም ትረከበት ምነ ትሸርሐ። ሐኪም ንዋይ አሰይድ ሰረቄ መድሃኔ ዲብ ሀበዮ ሐብሬ፣ ለምዴርዮት መሸፈል ንዋይ ብዙሕ ለበ ወምሰል ክልኤ ደውለት ለትትሓደድ ሰበት ተ፣ ምንለ ትፈናተ ድዋራት ለመጽእ ንዋይ ክም ትትከበት፣ እብሊ ሀይ ሕማማት ክም ልትርኤ እንዴ ሐበረ፣ እሉ መሻክል እግል ልትከራዕ፣ ምን ወርሕ ዲሰምበር ሰነት 2023 እንዴ አንበተ፣ ሐድ 123 አልፍ ረአሰ ምን አግል ወአግባዕ፣ ወ30 አልፍ ረአሰ ምን ሐ ድድ ጥዕም ወግልሓይ ክም ትፈድአ ወድሐ።

መዋ-መጦር እሉ፣ ዲብ እዳራት ደዋይሕ እምሐጀር፣ ሳቡናይት፣ ዐድሸክጋላ፣ ድሬሴ፣ ገርገፍ፣ ወገርሰት ለገብእ ጅሀድ፣ ሕማም መዋምዮም እግል ልትከራዕ ፍድኢት ክም ትሀየቡት ለሐበረ አሰይድ ሰረቄ፣ አሀምዮቱ እንዴ ትርኤት ክም ልተላሌ አፍሀመ።

አሰይድ ሰረቄ እት ደንጎቤ ምሰል ሀሌት ክረም ቅዝር፣ እግል አድመናት ዓፍዮት ንዋይ ልትነሳእ ለሀለ ምሰዳራት፣ ንዋይ ዲብ ሓለት ሰኔት ክም ሀሌ፣ መሸፈልመ ሰዐር ካሬ ባቅል እቱ ክም ሀለ እንዴ ሐበረ፣ ቀሪም ለአለቡ አክላብ እግል ልብዴ አትፋቀደ።

ዐዲ-ቀይሕ፣ መድረሰት ኢጊላ፣ ሰዳይት ተሀየቡት

እት እዳረት ደዋይሕ ኢጊላ-ምዴርዮት ዐዲ-ቀይሕ ለሀሌት መድረሰት መአንብታይት ወምግባይት ደረጀት፣ ምን 25 መድረሰት ሰዳይት መዋድ ረክበት። ለዲብ ዮም 18 ነገሱት ለተሀየቡ፣ ዐፍሽ፣ ዐውል 246,580 ነገሱ ከነባት ክም ከምክም መሰከራ ክደማት ተዐሊም እት ምዴርዮት መምህር በዩኔ ተሰፋይ ሸርሐ።

መዲር መድረሰት ኢጊላ ኡሰታዝ ዐ-ሰማን ዐብዱ እብ ጀሀቱ፣ ለመድረሰት ናይ ብንዮት ትሕትዮት ወአላት መሓግዝ ክም በ እንዴ ሐበረ፣ ለገብእት ሰዳይት ዲብ አቅሊሎቱ ዶር ክም ትቀድም ሐበረ። መሰከራ እዳረት ደዋይሕ ኢጊላ አሰይድ አሕመድ መሐመድ ሱሌማን እብ ጀሀቱ፣ ለሰዳይት ዲብ

ወክደ ወለተአትሐይ ክምተ እንዴ ሐበረ፣ እግል አሰንዮት አፍሱል እብ ደረጀት መጅተማዕ መባደራት ክም ልትነሳእ አብርሀ። ሰነን እብ ጀሀቶም፣ አጀኒት ዲብ አፍሱል ሰኔ እግል ልድረሶ እብ ስም ቅድረት ክም ክድጥ እንዴ አክደው፣ ሰዳይት ሕኩመት እግል ኢትትፈንተዮም ትፋኑው።

ምግብ፡ እብ ለትፈናተ መጃላት ደርሶ ለዐለው ልደሐሮ



እዳረት አቅሊም ምግብ እብ ለትፈናተ መጃላት ተክሌርሶም ለዐለት 250 አንፋረ እት የም 22 አጎስት አድሐረት።

ለተክሌር ምን ሄለል ጃላይ እት 3 ደርቦት ለትሆየበ ዲብ ገብእ እት እዳረት ወሳይቅ ማል፡ ዕሉም ሰክራታርየት፡ እዳረት መካትብ፡ ክምሰልሁመ እዳረት መስኡልየት

ለአተንክባቲ።

ሙዲር ማም እዳረት ወማልየት አቅሊም ምግብ አሰይድ ተክሌ ቀለታ እት አሰመባየ ከሊመት፡ ለተክሌር አተላላይ ናይለ መቅደረት አዳም እንዴ ወቀልከ ሻፍገት ወሳፍየት ክድመት እግል ሂበት ክምሰልቱ እት ለሐብር፡ ደረሰ እሊ እንዴ ፈህመው መቅደረቶም እንዴ ወቀለው ሸቅል

ሳሬ እግል ለሀቦ አትፋቀደ።

መስኡል መቅደረት አዳም አሰይድ በረከት ታደሴ እብ ጅህቲ፡ ለእብ አሳሰ ስታት ወአውለውያት እዳረት አቅሊም ለትሆየበ ተክሌር እብ መቅደረት ናሰ ወምን ካርጅ ለመጽአ ዶ/ር ሀይሌ ንጉሴ ክም ገብእ ሸርሐ።

ደረሰ እብ ጀሀቶም ለነሰአው ተክሌር እት ፍዕል ክም ሸቁ እብ አከደው።

መምቅረሓይ ሸቅል እዳረት አቅሊም ምግብ አሰይድ ዘርኢት ተወልዱብርሃን፡ እግል ደረሰ አሰናይኩም ሐቅለ ቤል፡ መቅደረት አዳም እንዴ ኢትወቅል ሸቅል ክም ኢልትሸቁ እንዴ ሸርሐ፡ ደረሰ ካሰባሙ ለሀለው ተክሌር እት ፍዕል እግል ልተርጃሙ ትወሰዱም።

እት ደንጎበ ደረሰ ውራቅ ሐምዴ ወሸሃድደት ተሆየበው።

ምግብ፡ ዲብ ሸክት ኤዘየት ለመድ ወአድመኖት ሕቁቃት አጀኒት ለረከዘ አትፋዘየት ገብእ

እት አቅሊም ምግብ፡ እብ መዐውነት ፈሬው ውዛረት ዐመል ወመንገፎ እጅትማዕየት ወውዛረት ማፍየት፡ ዲብ አዋልድ-አንሳት ክቡድ ናይ ማፍየት ወዐቅል መሻክል ለዐም ኤዘየት ለመድ እግል ሸክት፡ ክምሰልሁመ ሕቁቃት አጀኒት እግል ልትደመን ለአመመ አትፋዘየት ገብእ።

ዲብ ምዴርየት ማይተመናይ እግል ወካይል ማፍየት፡ ማርሐት ደያናት ወብዕዳም ምህሚን ጀህት እትለ ገብእ አትፋዘየት፡ እግል መደት-ረያም ክም ዐዳት ለሰብቀ ለመድ እግል ቀየርት፡ ዲብ ወቀሎት ፈሃዕት ለረከዘ በራምጅ እግል ልግባእ ምህም ክም፡ ሰብ-ምህነት ሸርሐው።

ሲሰተር አባባ መንግስተአብ ወሻብ መሐሪ ወልዴኪርሴ፡ እብ ክሸቦ ለመጽእ መደረት ወሀዳይ ተሐት-ዕምር አዋልድ አንሳት፡ ዶር መጅተማዕ ዲብ አድመኖት ሕቁቃት አጀኒት ወሸክት ኤዘየት ለመድ፡ ክምሰልሁመ ዶር ቃትን ዲብ ክርዐቶም ለከአሰሰ ተውዴሕ-ርሐብ ቀደመው።

ምዲር ምዴርየት ማይተመናይ አሰይድ ሰለሙን ሀይሌ እትለ አሰመዐየ ከሊመት፡ ሐዘትለ አትፋዘት ሐቅለ ሸርሐ፡ መሻርከት ፈሀምም እንዴ ወቀለው ዲብ ድዋርም ዶር እጃቢ እግል ለአርኡ መስኢት ክም ገብእ አግሎም አትፋቀደ። ለአትፋዘየት ዲብ ኩሳን ምዴርየት እግል ልግባእ ክም፡ እመር ሀለ።

ሮራ-ሐባብ፡ እት ማሬት መአሰሳት ከደማት እጅትማዕየት፡ ረሀየት ለአመጽእ

ዲብ ምዴርየት ነቅፈ - እዳረት ደዋይሕ ማሬት ለትዳለ መአሰሳት ከደማት እጅትማዕየት፡ ዲብ መናበረት መዋግኒን ለትትሐመድ ፍገራት ለአመጽእ ክም ሀለ፡ መስኡል እዳረትለ ዳሕየት አሰይድ ሓምድ ሁመድ ሐበረ።

ዲብ ድዋርም - ለትመሳሳው መትመዳድ ወመትነፈዕ ለቡ ከደማት ወጀዶት ማይ፡ ማፍየት ወምህር ክም ሀለ፡ እሊ ህይ መርሀየ መናበረት ክም ከልቀ እግሎም ለሐበረ አሰይድ ሓምድ፡ መትነፍዶት ሸዐብ እት ልትወቅል ሰበት መጽኢ፡ ፈሃዕቶም ዲብ ትትወቅል ትመጽእ ክም ሀለ፡ ለለአርኡ ክም፡ አፍሀመ።

ቀረቦት ማይ እብ ከሰሰ እትለ ሀባየ ሐብሬ፡ እብ መዓወነት ሸዐብ ወሕኩመት ፈድ'ለ ገብእ ጅህድ-ትሩድ፡ እግል አዳም ወንዋይ ከደማት ለሀህይበ ዝያድ ሰቦዕ ከዛናት-ነኣይሸ ክም ትበነ ወለዐለ እግሎም መሕገዘ ክም ረሀ አከደ።

ዲብ መጃል ማፍየት ህይ፡ እት ቅሩቦም ንቅጠት ማፍየት ወመትጸበሪ ዐመሲ ቀደም መትበናዩ፡ ሐማይም እብ ዓመት ዐመሲ ህይ እብ ፍንቲይ አሰክ በቅለ ወነቅፈ እግል ለጊሶ ልትቀሰቦ ክም ዐለው እንዴ ፈቅደ፡ እትለ መደት እሊ ላኪን ለታመመ ከደማት ማፍየት ዲብ ከርሰ ዐደም ረክቦ ክም ሀለው፡ አሰይድ ሓምድ አብርሀ።

ዲብ ሮራ-ቀይሕ፡ ወግሬት ወማሬት፡ ንዘም ከደማት ለሀህይበ መዳርሰ መአንብታይት ወምግባይት ክም ትበነ፡ መሻረከት ደረሰ እብ ዓመት ናይ አዋልድ ህይ እብ ፍንቲይ እብ መጅብ እሊ ዘይድ ክም ሀለ እንዴ ሐበረ፡ ዋልዴን ዲብ ዐቦት መዳርሰ እትለ ገብእ ወቀይ መሻረኩቶም እግል ልወቅሎ አትፋቀደ።

ምን ነቅፈ እንክር ምውዳቅ-ጸሐይ 25 ኪሎ ምትር ራይመት ለሀሌት ዳሕየት ማሬት፡ ዝያድ ሐምስ አልፍ ሰካን።

መክተብ ማም-አዲተር ኤረትርየ ለነዘመዩ ተክሌር እዳረት፡ ተ'መ

መክተብ ማም-አዲተር፡ ምሰል ናይ አቅሊም መክመት 'መአሰሳት አዲት አፍራቀ ህግየ-እንግሊዘ ለልትሀገው' (አፍሮሳይ-ኢ) እብ መትዐዋን፡ ምን የም 19 አጎስት እግል ውቁላም ወምግባይም መስኡሊን ለሀይቡ ለአሰመነ ተክሌር እዳረት ወማርሐት፡ የም 23 አጎስት ተ'መ።

ማም-አዲተር አሰይድ ገረዝገሄር ገብሬመድህን እትለ ቀደመየ ከሊመት፡ ለተክሌር መክተብም እብ ኩሉ ጀዋንቡ ምህነቱ እግል ልወቅል ለሰዴ ክም፡ እንዴ ሐበረ።

ለደረሰ ለወሰከው አምር እብ ፍዕል እግል ልሸቀው እብ ወጸርም እግል ለአድርሶ ክም ልትሰአው ሸርሐ።

ለምህር መርሐ ለአሰመነው ሰብ-መቅደረት መክመት አቅሊም 'መአሰሳት አዲት አፍራቀ መትሃግየት እንግሊዘ - ሚስተር ጎደን ካንዶር ወሚሰ ዊልን ደግናር፡ ለዲብ በቃዕት ሸቅል፡ መትፋሃም፡ ሰባት ወሸቅል ብሹል፡ ክምሰልሁመ ምርሐት ለረከዘ ተክሌር፡ መሻርከት ለአርኡ ዶር ሰኒ እንዴ ሸርሐ፡ እት ሙስተቅበል እሊ ለሸብህ በራምጅ እግል ልትሸቁ ዲብ ክም ወጅብ አፍሀመው።

ለደርሰው እብ ጀሀቶም፡ ራክሞ ለሀለው ዕልም ፈሀምም ለለአወሰዕ ወዲብ አምዕላይ ወራታቶም ክም ሰድዮም ሐቅለ ሐበረው፡ መቅደረት ሸቃለ ለፈትሸ ወለጠውር ተክሌር እብ አሳሰ አሀምዮቱ እግል ልትነዘም አትፋቀደው።

'መአሰሳት አዲት መትሃግየት እንግሊዘ አፍራቅዩን' - አፍሮሳይ - ኢ፡ ኤረትርየ ለትትረከብ ዲብን 26 ደውለት ለሐቅፍ።



ጸጸትርየ፡ጸጸት

ክል አርቡዕ ለትጠ'በዕ ጀሪደት

መዳልያይ፦
- መሐመድ እድሪስ

ለይአውት ወአርተዖት
* ዘሀሪ ዐሊ
* ፋዋን አድም

ተለፎን፡ 121797/07121322
ፋክሰ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.ቡ፡ 1284

ሐልሐል፡ መሓደራት ዕልም ቃትን ልትሆየብ

ፖሊስ ምዴርየት ሐልሐል፡ እት የም 19 አጎስት ዲብ እዳራት ደዋይሕ ማይአዋልድ ወመሰብሶ፡ ፈሀም መጅተማዕ ዲብ ቃትን ለለዓቤ መሐደራት ሀይ።

ቃእድ መርከዝ ፖሊስ ምዴርየት ሰርጌንቲ ሐሰበለ መሐመድ አልአሚን፡ ጀራይም ወዐገብ እንዴ ነቅሱ ደማነት አርወሐት ወመምተለካት እግል ልትአከድ፡ ፈሃዕት ወፈሀም መጅተማዕ ዲብ ቃትን ወቀሎት አሳሰ ክም፡ ሐቅለ ሸርሐ፡ መዋግኒን አሀምየትለ ልትሆየብ መሐደራት እግል ልፍሀም አትፋቀደ።

ብቅት ትራፊክ እብለ ከሰሰ ህይ፡ ሰይ ምን ቅያሰ ወለዐል፡ ምን ቅያሰ ወለዐል ሸሐን አዳም ወዐፍሹ፡ ምንለ ዲብ ብቅት ለካራ ኪደት ቀዋኒን ክምቶም ለሐበረ ሰርጌንቲ ሐሰበለ፡ ሰዋንን ቀዋኒን-ትራፊክ እግል ልሐሸሞ ትፋኑ።

ዲብ ደንጎቤ፡ ዕንታት ወእዘን-ፖሊስ ሸዐብ ክም፡ እንዴ ሐበረ፡ ሸዐብ

መዓወነቱ ምሰል ፖሊስ እግል ለአዚድ እንዴ ትፋኑ፡ ሰላም ወአምን ድዋር እግል ልትደመን፡ መጅተማዕ ምሰል ፖሊስ-መዐየ፡ ክምሰልሁመ ምሰል መራክዝ ወንቀዋ-ፖሊስ እብ መትግዋን እግል ልሸቁ ትፋኑ።

ዲብ ምዴርየት ሐልሐል፡ ምን ጃንዋሪ አሰክ ጃን ናይ እሊ ሰነት ጎነ እብለ ጀሪየ 17 ጀሪመት ወክልኤ ብቅት ተራሬክ፡ ዲብ አዳም ወመምተለካት ደግሮ ክም ጀሪ፡ መስኡል ማፍየት ጀራይም አሰይድ ሰለሙን አብርሀ ሐበረ።

ጾታ ክፈል

እግሉ ላላት እብ ክእን ትወሰድ። “እግሉ ክልኦት ወልዩ ነሰኦ ከእተ ጀፈርታይት መረበዕ ኣብጸሐክም። እተ ምርት ኣቅበልኩ። ከምሰሉ መርየም እብ እዳህ እት ኣታቲ። እቶም ኣቅበልኩ። ሐቆ እለ እግሉ ብሸኪር ለንኡሽ እንዴ ነሰኦ ምን ሐማም ኣዋለልኩሁ። እንዴ ትመጣወርኩ እግሉ እሳት ለእተ ሞሻት ተሐዩ ለዐለት እግሉ ሃምደ ወአቅሰን እት ሐዜ ጀርቤ ወዳኩ። ሐቲ ሰረት እንዴ ነፍረት እት ምቀደም እግርዬ ወድቀት እግልዬ። ኣዜመ እብ ሐዲስ እተ ሐማም ኣቲት ወልሳሰ እግሉ ኣዋልል ከእሳት ኣቀሰን እቡ እግሉ ሐዜኩ። ላኪን ሰብሓን ኣላህ ላመ መላብስ ክምሰል ምን እሳት ልትሐብዕ ለሀላ ምክራዩ ተሐበዐት ምንዩ። ምን ሐዲስ እለ እግሉ እልበስ ሓሰብ ለዐልኩ ብጃመት እንዴ ኣፍገርኩ እተ ከሺነት እንዴ ኣቲት እግሉ ጋዝ እግሉ ኣፍግር ጀረብኩ። ኣሰክለ ሸፋዋ በጽሐኮ ወሰኒ ኣመንኩሁ። እግሉ ብጃመት እተ ማይ እንዴ እቀምሽ ህዩ እግሉ እሳት እግሉ ኣቀሰን እበ ኣሰተብዴኩ። እብ ተቀር ወተናን ወሃብ ኣርወሐቲ እት ፈገር ገብኣት። ኣልሐምዱላህ እሳት እት ሐንቲ ሰይጠሪቲ ገብኣት ወከሺነትመ ጣውላት ሰበት ይዐለት ሐብረ ሌጠ ትቀየረ እንዴ ኢኮን ረቢ ሰለመ ከአቅለለዩ እግልዬ።

ሐቆ እለ ሰአልዬ እብ ውላጄ ገብኣ። ተናን ገብኣ በጽሐዮም? መርየም ህዩ ደሐን ገብኣ ህሌት? ክሎም ደሐነው ገብኣ? እሊ ለመሰል ሰአላት እት ረአሽ ትመወጀ እግልዬ” ልብል ዐላ መዳግመ እብ ነድ ከሺነት። እቶም ክምሰል መጽኢት መርየም እተኣተልህዮም ጸንሐት። ህንቅጥቅጥ እት ትብሎም ወሰልሲቶም እግሉ እምም ትወድዩ ለዐለት እንዴ ኢደሉ ሂር እብ ሰሓቃት ቶም ልብሎ ለዐለው።

ብእሰ ወክድ ኣቅበሎቲ ምን ሸቅል ሰበት ገብኣ። እግሉ ባብ ፈትሐት ወእግሉ ክምሰል ርኤት እብ ኣማን ወሰላም ሸዐረት ወሐር ኣመተ ኢትአመረት እት ቅዶብ ትካፊት። ብእሰ ክምሰል ትፋጠሎ ናደት ለህሌት መሰለት እቲ ገርብ ክሉ ሕመት እንዴ ለብስ ክምሰል ኣቅመተዩ ኣሰክለ ሐማም ኣተ እበ እደዩ ወገጸ ወእገረ ወሐጽቦዩ። ወአፋሁ “መዳም! መዳም!” እት ልብል ልትላኪ ዐላ። “ኣነ ዋዕዩት ህሌት” ቲሉ። ህቲመ እንዴ ኣትናሽፈዩ እተ ሳለት ኣተክረረዩ።

ኣክለ ለከሺነት ኣቅመተት ክልኤ ዕንተ እብ ብዛይ ትመየሰዩ። ኣክለ ለዐለት ላላት ፈቅደት ተ ፈቃደህ ምን እሳት ሐፍነት እተ። ህቲመ ኣትህደኣዩ ወክምሰል ንኡሽ ወድ መልሀዲት እት ረሓብ ልቡ ጸብጠዩ። ገርብ ህድኣ እግሉ ወፍክራመ ሰኩን ወደ። ብእሰ ምን ላላተ ቤት ለእንዴ ትቀየረት ጸንሐት ድዩዕ ጋብእ እቲ ዐላ።

ከራዊ ቤቲ

ላኪን ውላዱ ወወአምም እብ ሰላመቶም ክምሰል ጸንሐው ሸክሩ ወሐምዱም እግሉ ረቢ ወዳ። እግሉ ብጃመተ እሲቲ ለምን መቅጠን እንዴ ኣፍገረተ እሳት ተኣትሃምድ እበ ለዐለት እት ገኔሕ። ላኪን ህሌት ትመሰል እቲ ይዐለት። እብ ክእኒ ህዩ ሸዕሩ ሸርሕ እግሉ ዐላ።

“ኣነ ሰብሓን ኣለህ! እብህዝ ክምሰል እኬ። ብጃመትኪ ኑትሕት ወናደት ክምሰል ርኤኮህ ልብዬ ምን መሰከበ እንዴ ፈግረት ከምክራዩ ኢትአምረት እግልዬ። ሰረትኪ እት ምቀደም እት እንተ ልብዬ ትዐልወጀ ምንዩ። ክሉ ክሉ ሐራም ክምሰል እርኤኪ ይዐልኩ ተወው ወዳኩ። ሐራ ህዩ ኣክል እሊ ሐጠር እሰኤ እትኪ ይዐልኩ። ለንብኣ ሐቆ እት ሰድት ኢርኤኮህ ክምሰል እሊቲ እንዴ ትቤ እግሉ ትቀይሙ ኢልትቀደር”። ህቲ እሊ እት ልብለ ህተ ክርን እንዴ ኢትአፈግር እት ቅብላቲ ትትራውት ዐለት።

ሰኒ እንዴ ገንሐዩ ህዩ እት ብሶተ ሰዐመዩ ክእተ ረሓብል ልቡ ሐርገዐዩ። እት ገጸ ሸዕር መትፈሳስ ገናበት ወራሐት ደሚር እቡ ሸዐረት መሰለኒ ገጸ ክምሰል ኣትባርህት ለርብት ዐለት ገናበተ በርህት ወትበርበረት። ኣዜመ እብ “ኣሰናይ እንቲ ናዩ ገእኪ ወእነ ናይኪ” ሰዕመት ደግመዩ ከመጦርለ ውላደ እብ ሰምጠ ግሲት እት እንተ ክምሰል ንኡሻይ ሻመለዩ ወጣሰዩ።

ኣልኣይት ነገር ኣምዕል ጅምዐት። ብእሰ ቲሌፎት እት እዘት እንዴ ኣልጠኣዩ እብ ዐቢሁ ልትህራህር ዐላ። ህታመ እግሉ መትህራሃሩ ልበ ሰበት ኢፈተዩ ምን ቅሩቡ ረዩሙ ትሰምዑ ጸንሐት። ለእተ እትሱል ዐላ እሙተ። “ሰላም ወዐለዩኩም ሰባሕ ኣልኸይራት ወልዩ። ሚ ገበኣት ለእሲትኪ ቤተ እት ኣሕድ ደረቅሩቅ ጋብኣት። ሰሓን ምርት ግፍቲኡ። ወኣልእ ርሶሕ። ግራብ ምርት ሰቡር ወኣልኣዩ ሰጠር። ነዲድ ከሺነት ቀላል ክምተ። እብ ኢመትሐሳረ ኣልእ ፍረህ ገደ እምነቲ! ኣይ! ኣሰናይ በሰ ለኣጀኒተ ምን ብርድት ደሐነው እግሉ። ህ---ኮ---ት ኣዑዙ ብላሂ ምን ክምእኒ ቲ ኣዋክረ። ዩቡ!! ቅሮሕ ልትመቅረሐኪ። ለቅሮሕ ልበ እሊ” እሙ ወድሐንክ እንዴ ኢትብል ወእብ ሰብስ እትሳሉ እንዴ ኢትትሰኣሉ ምን ክል ቀጥፈት ሕሚት ወኣትካፍኣት ጠምጠምት ወጠፍኣት። ወልደ እግሉ ለአፍህመ ምንዲ ሐዘ በክት ከለኣቲ።

“ይማ ሰምዒኒ ክምሰል ህግደኪ እሰምዐ ለዐልኩ። እሊ ሓሰል ለሀላ በዲር መቀደርመ ምንዲ ገብኣ። እንቲመ ናይኪ ዶር እንዴ ኣውፊኪ ፈገርኪ ምን ለቤት። ሐድ ወብዞሕ ለሰደዩ ወለ ለዓውኑ ሰለስ ዋፍል እት ምርት ሕቅፍ ጩምርት እት እንተ ምን ህለ ገብኣ? ክምሰሉህ ህቶም እት ሕቅፈ እት ህለው

እንዴ ዐራት እግሉ ትንጽፍ ትቀድር መሰለኪ ወሰሓን ትሐጸብ! ኣዜ እለ ወሌህ እንዴ ይእንብል ንቁሰ ናይና ቲ። እሊ ኣጀኒት ውላድናቲ ሚ ሰዴናህ እቡ እንዴ እንቤ ኣርወሐትነ ሰኡላም ነኣምር ገብኣ? እግሉ ሕሚት መትዳናን ሐቲ ኢነፍዕ ወኢሸፍዕ። እሲቲ ላሊ ለክሉ ሰክበ ወእብ ሰክብ ልትባለሰ እተ ልትመዩ። ህተ እብ በነ ምርት ረኣሰ ከዋክበ ትዐልብ ትትመዩ ህሌት። ኣይወ! ኣዜ ሚ ትብሊ ህሌኪ ኣሰእሊ? ቤሉ። ከእንዴ ኢልትፈህሙ ህቲ ወእሙ እት ቀትር ኣሕድ ገብኣው።

እሙ። “ደሐን ወልዩ ኣነ ናሰ ህትት እበ ፍህመተ ዐልኩ። ኣዜ ዮም ሐውክ ክልኡቶም ምሰልነ ውሳሃም ሰበት ህለው ውላድክ



እንዴ ነሰኦ። ምሰልነ እግሉ ትውዑልቲ። ኣበውካመ ኣርብዲቶም ምሰልነ ውሳሃም ህለው።

ወልደ “ኪር ትግበእ እተ ክልኣት ምን ውላጄ እሶም እግሉ እምጸኣክም ቲ” በልሰ ክምነ ሐሩቀት ኣርወሐቲ እግሉ ለኣትሃድኣ ህግደሁ ደሀረዩ። እሙ “ክሎም እሶም ምጽኣኑ። ሐሰብክ እምም ትግርፍ ወህቶምመ ትሰፍላልናህም። ሐኩ እብ መኪነት መጽኣክ ህለ” ትፋኔት እሙ።

መዳም መባልሰ ብእሰ ወሐማተ ሳመዐቲ ዐለት። በዲር እግሉ ሚ ትሃኒክ ምሰል እግሉ ቲብሉ ትገደሰ ምንመ ዐለት። እበ ናዩ በሊስ ሰኒ ሰበት ትብሰጠት እንዴ ደነት እግሉ ረዳሁ ትንሰእ እተ ኣብራኩ እግሉ ትሰመ ምንመ ሐዜት። በክት እንዴ ኢሊህደብ ኣሰክለ ቤት ረትዐ ምን ወእግሉ ውላደም ልባሰም እግሉ ትቀይር እግሎም ትሐሰበዩ ወእብ ሸፋግ ኪን ወእንሰር ትረገሰ። ቀደም ምጽኣት መኪነት ሐሁ ህቲ

ውላዱ እግሉ ግደሰ ብርንቶ ገብኣው ከጸንሐው።

መዳም እግሉ ምን መዋጀህተ ለመሐለ መሰለ ለዐለ ሰክብ እለ ነገር እለ እብ ምንክብ ፋይሕ ኣሕድ ረክበው። እተ ሰሪር ሐቆ ወድቀት እግሉ መዋድቀ ኢደሌት። ምን ሰክብ ክልኤ ገፊት ክፊት። ምን ሰምጠ እብ ሰምጠ ትብለሰት። እብ ዕንቅራሪ ጀረብቲ። እብ ነሐረ ትገፍተኣት እግሉ። ኣምዕል መሴት ወላሊ ትክፈለት። ኣክል ኣሕድ ሳዐት ሐቲ ናይ ላሊ ብእሰ እት ክልኤ እዳህ ሰለሰ ውላዱ እንዴ ጫመረ ወመርየም እት ትትሰሂ እብ እዳህ እት ቲትዩ ዔረው እተ። እግሉ ላላተ ህዩ እብ ክእኒ ትወሰድ።

“ኣነ ርሕዬ እሰእዩ ዐልኩ። እት ወቅት ክብድት ወሰድት ሰብር እግሉ እትዐዳ። ወመቅጠን እግሉ

ብለዕ ኢኮን ወሰክብ መትጋራም ኢኮን ወመትሻማት። መትከሓል። ወመትደላል። መውሳይ እብ መውሳይ መውሳይ ከራዊ! ለንብኣት እሲት ወል። ረቢ ሐማት ህበዩ። ኣነ ላኪን ረቢ ሐማት ረዩም ሞላደ ከፍሌኒ! ለንብኣት ሐማት እብ ውላደ ተኣርሕብ። ሰበቡ ህቶም ቶም ዌርሰት ማለ ወዳሪ። ሐማቲ ላኪን ኢክምሰልህ። ረሐመት ኣለበ ወዕን እኪት-ተኣይ። እታመ መነቲቲ ሰኒ እንዴ ወዳት ትፈናቲ። ክልኣት ውላድ ቶም ምን ልበ እግሎም ተኣይ። እግሉ ወለት እብ ምን ሰር ልበ የምክን እግሉ ትፈቲ። ኣላሁ የዕለም ክምእኒ መሰል ዐለ ኣደበ ወጠብዐ። ኣናመ እኪት ሚ የኣይ” በልሰት እሲት ወል ምን ውዲት ሐማት እት ትሸኪ።

ውላደም ሓምሳይ ወርሐም ሓለፈው። እግሉ መዳም ህዳይ ሕተ ሰበት ዐላ። ዐደ ሐሁ እንዴ ለኣከው እት ክም መጽእ ኣሰኣለው። ሐማተ “ክሉ ክሉ ኢትገደሲ ውላድነ እት ኣካን መናሰበት ዕን እግሉ ኢትግንሐም” ቲሉ። ብእሳመ ህግዩ እሙ ደግመ። እት ደንገበ “ክልኣት እንዴ ሐደግኪ እብ ምርቶም ትፈረሪ” ቤለው። እብ ረኣይ ሐማተ ህዩ። ለወለት ላዘም እግሉ ትትረፍ ህሌት እግሉ ምሰለ ተርፍ ሕጻን ትቤ ከአጀበረት እተ።

ውላደ ክልኤ ኣምዕል ምሰል ኣቡቶም ጸንሐው ወመናሰበት ህዳይመ ሐልፈት። መዳም ኣሰክ ቤተ ኣቅበለት። ሐማተ እግሉ ሰዳይት እሲት ወልዩ እት ትብል እግሉ መንታይት ወለት ይህይብ ትቤ ከአጸበረት። እሲት ወልዳመ እብ ወለቲ ይህይቡ። ትቤ ከቅብላተ እብ ቀረ ሸናቀረት።

እንዴ ኣትሌት መዳም እብ ክእኒ ትደገሙ። “ለወለቲ ክልኤ ኣምዕል ምሰል ኣቡተ ክምሰል ወዐለት ሐማቲ ምን ልበ ፈቲተ። ክምእኒ እቤ ምንዲ ገብኣ። ኣነ እግሉ እፍተዩ እግላቲ ኣምሰለት። ኣነ ላኪን እግሉ እሊ በሀለ በዲር እጸበሩ ምንዲ ዐሌ ወሀብኩሃት። ኣዜ ክምሰል ሕልዊቶም እግሉ ትሕለፎም ሐዜት ምን ውላጄ እግሉ ትግሬ ወትፈናቲ እብ ሸርዕ ቲ ገብኣ ሚ እብ ቃኑን ሐቲሁ የኣመርኩ። የሀው እብ ረቢ እትሰኣለ ይመ? ከፎ እግሉ ትፈናቲ ረቢ ምን ምርት ርሕም ለሀቤኒቶም። መላእካቲ ትፈናቲ! የሀው ዐገብ በሉ እግልዬ ኣሰክ ብእሺመ እሙ ተሉ። “ሰዳይት ትገብእ እግልኪ” እት ልብለኒ። ኣዩ ዓቅል ቲ ገብኣ ለእግልዬ ለኣሰምዐኒ። ወምን ቲ ገብኣ? ለእብ ኢሕክመ ፈርደኒ! እግሉ ሐማቲ ይህይቡ። እት ወቅት ሰድት እት መጦርዬ ምን ዐለ ገብኣ ኣብሸርኪ እት ልብል ለሰንደኒ” መዳም በእሰ ኣማን ትብኣሰተ እግሉ ሐማተ። ወለተ እበ ዋዕማይ ንሴላዩ ዛዖታት “ማማ.....ዩ ባባ.....ዩ ኣቦቶ... ዩ” ወብዕድ ለዘት ወጠዐም ንሳል ንኡሽ ልኣትኣዳውር ምን ዛዖታት ክምሰል ላኪት ሐማተ ውላድ ዕቢናህ እግሉ ቲደዩ ሐዜተ።



መጅልስ አምን ወለዛልም ቀራራቱ ድድ ኤረትሮፕ

እብ ዶ/ር አሕመድ ሐሰን ድሕሊ
ተርጀማር፣ መሐመድ እድራሰ መሐመድ

31^ይ ክፈለ

ባልሳይ ምዕራፍ

ሲያሰት አሜሪካ ዲብ አፍሪቃ

ሐቆ ካልኦሪ ሐርብ እዲን እብ ፍንቱይ ህይደት ዲብ ሐርብ ብሩድ ሲያሰት ዋሽንግቶን ዲብ አፍሪቃ፣ ጠባቢያይ አርዛቅ ወእስትራተጅያይ አካናት እግል ራቀቦት፣ ዱቅሪ ልግበእ ወእብ ወለት ገበይ መሳሪቲ፣ ዲብ መዳፈዕት ህለዮት እተሓድሮ ሶቬት ለርካቲ ለዐለ፣ ሐቆ ፊሪብ ብነ በርሊን ወመትፈንግር እተሓድሮ ሶቬት ወሐቂቅ ገለድ ዋርሶ ላኪን ሲያሰት ሐዳስ ኤተነት፣ ሰበት እሊቱ ህይደት ሲያሰት አሜሪካ ዲብ ሶማሊ ወተአምርታቱ እንዲ ይእንረኡ፣ ናይ ቃረት አካቲ እብ ዓመት፣ ናይ መንጠቀት ቀር አፍሪቃ አካቲ ህይደት እብ ፍንቱይ እንዲ ኢገብጥ ፍይሒሁ እግል ተአምር ለልትቀር አካቲ።

ለሐልፊት እዳረት አሜሪካ ዲብ ቃረት አፍሪቃ እሊ ለተሌ አርበዕ ሲያሰይ አህዳፍ እግል አክዶትቱ ሸቄ ለዐለ።

1. አሜሪካ እግል ሐምሰ ጂኦግራፍያይ ባኮት አፍሪቃ ቅብለት፣ ግብረት፣ ምፍጋር፣ ምውዳቅ ወምግብ፣ እብ እስትራተጅያይ መሳልሐ እግል ዕቅብት ክምሰል ናይ መንጠቀት ቅዋት ለትገምመን ምሰር፣ ስኔጋል፣ ናይጅርያ፣ ግብረት አፍሪቃ፣ ኡቶብዩ ወለመሰለን እንዲ ወዳት ትራቅቡ።

2. ሸሪካት ቤትሮሊ እግል በዝሐ ዐውሊ ብትሮል አፍሪቃ ዘምት። (ክምሰል ልትአመር እሊ ምን ናይ ብትሮል ጠለብ 16 ምእታይት ምን አፍሪቃ ለትሰእ እሜሪካ፣ እሊ ቅያሰ እሊ ዲብ 2012 አሰክ 25 ምእታይት እግል ልትወቀል እንዲ ሰተተት፣ ዝያደት ትወቀደ።)

3. እግል “ዲብ ቃረት አፍሪቃ ናይ ቻይን ህጅም ህለ” ለትብሉ ህይ ጋብሆት።

4. “እስትራተጅያይ መሳልሐ እግል አክዶት፣ መዳፍዐት ‘እርሃብ’ አው ገሌ ድወል አፍሪቃ ናይ ክትል ዐናሰር መንዘመት አልቃዕደ እግል ኢልግበእ” እብ ትብል ምሰምሰ ዲብ ቀበት ድወል አፍሪቃ እንዲ አቴት እግል ራቀቦት ትሸቁ።

ሲያሰት አሜሪካ ዲብ ቀር አፍሪቃ ወምብሊታይ አፍሪቃ ወበሐር ቀየሕ

እዳረት አሜሪካ እግል እግል ወጠብያይት ውሕደት ዲብ ብቅት ለካሬ ናይ ክርስ መሻክል ድወል መንጠቀት እብ ፍንቱይ ህይ ሶማሊ፣ ኡቶብዩ፣ ኡንዩ፣ ጅቡቲል ሱዳን ወዩመን እግል ዘሚት ቱ ለትሸቁ። ወጠንያይ መሳልሐ እብ ተአክድ እብ ገበይ እግል ወጀሆቱ ህይ ዲብ ናይ ክርስ ቅደይ እግል እትየት “ፊውደት ዐባይ” ዲብ ትብል ሸርሐ። ኤረትሮፕ ምን ሕርየት ለረክበት እተ ሰነት 1993 እንዲ አምብተት፣ እግል

መትአታይ በክት ለለህይብ ናይ ክርስ መሻክል ለአለበ ሐቲ-ረክሰ ደውለት ዲብ ቀር አፍሪቃ ምን ገብአት ህይ፣ እዳረት አሜሪካ “ፊውደት ዐባይ” ለትብሉ ተምሰልየት እት ፍዕል እግል አውዐሎት ሲያሰይ፣ እቅትሰዳያይ ወመሕበራይ ሐያተ እግል ሐምረንት፣ ግራህ አሳሰ ለአለበ መሰምሰ እንዲ ተሐበዐት ለትፈናተ መታክል እት ከልቅ ጸንሐት።

ለዋሽንግቶን ‘እስትራተጅያይ መሳልሐይ ዲብ በሐር ቀየሕ ወቃረ አፍሪቃ’ ለትብሉ፣ እብ ክእን ለተሌ እግል ልትወደሕ ቀድር።

1. ዋሽንግቶን ሲያሰይ ተእሲረ ዲብ ድወል እንዲ ፈርደት፣ እብ አሳሰ እጅንደት ዲብ ራቅቦን ክምሰል ትትሐረክ ትወዳ።

2. እግል ምግባይ በሐር፣ ምሐጥ ፓሰፊክ፣ በሐር ቀየሕ ወምሐጥ ህንድ ለለአዳብጥ ብትሮል ለሸሐነ መራክብ ምን ምግባይ ምፍጋር ጸሓይ አሰክ ምውዳቅ ጸሓይ ለልትሐላላፍ እብ ማያይ ከጥ ራቀቦት። ክምሰል ልትአመር እብ ኸሊጅ ዓብ አልመንደብ ለለሐፍ 4 ሚልዮን በርሚል ብትሮል ዲብ ክል አምዕል አሰክ ድወል ምውዳቅ ጸሓይ ገይሱ። እብሊ ማያይ ከጥ እሊ ህይ



ዲብ ክል ሰነት ሐድ 325 ሚልዮን ቶን ብዳዐት ልትሐላላፍ።

3. ናይ ክርስ አመንያት ዲብ ነቅሰ እቱ እድንያይ ጅግራታት - እብ ፍንቱይ ህይ እብ ልጠወር ለሀለው ሐዳይሰ እድንያይ ቅዋት፣ ዲብ ዘይድ ዲብ መጽእ እቱ ለህለ ወክድ፣ አመንያት ብትሮል አድመኖት ምህም ቱ። ዲብ በሐር ቀየሕ ወቃረት አፍሪቃ ምን ቅያሰ ወለዐል አርዛቅ ብሐሕ ናይ ብትሮል ክምሰል ህለ ህይ ናይ ሰልፍ በሐሰ ለሐርብ።

4. እብ ምሰምሰ “መጋብህት እርሃብ ደመርት መታሊት እርሃብ” እግል ሐረካት ሰራራት ልብ ገባይለ መንጠቀት ራቀቦት፣ አልቃዕደ ዲብሊ ድወል እንዲ ኢለሐውጽ እግሩ እንዲ ኢከሬ ነቁል።

እብሊ አሳሰ እሊ ህይ አሜሪካ ዲብ ሰብተምበር 2002 ዲብ ጅቡቲ ዐስከርያይ መርከብ አሰሰት። ዲብ መንጠቀት ቀር አፍሪቃ ወበሐር ቀየሕ ወምሐጥ ህንድ እግል

አትአታይ ለከድም፣ ምን ናይ ቅወት ጀው፣ ምድር ወበሐር ዐስከርያይ ውሕዳት አሜሪካ ለትፋገረው 1800 ዐሳክር ህይ ዲብ ህለው። አሜሪካ ዲብ የመን ወሶማሊ ናይ ቀትል ዐመልያት እግል ዊደት፣ ጥያራት እምበል ሰዋግ ክምሰል ትነፈዐት ልትአመር። ልሰዕ ህይ ለወራታት ትተላላ ህሌት። እሎም ምን ጅቡቲ በረ ኢቃኑናይ ዐስከርያይ ዐመልያይ ለወዱ አምሪካዮን፣ ዲብ ዐድል ጀሳብ እግል ኢልቅረቦ ህይ፣ እዳረት አሜሪካ ዲብ የም 19 ፊብርዋሪ 2003 ዲብ ሳድሳይ ማደተ። “ለገብእ ዐስከሪ ምን ቅዋት አሜሪካ እምበል እትፋቅየት ወአምር ሕኩመት አሜሪካ አሰክ እድንያይ ቤት ፍርድ አው ዲብሊ ገብአት ትግበእ ደውለት እግል ኢልቅረብ” ለትሰሚሕ እትፋቅየት ምሰል ሕኩመት ጅቡቲ ፈርመት። 153 ዋሽንግቶን ምን ዐሳክረ አው ሰዋን ናይ ሐርብ ጥያራቱ፣ ዲብ ረክሰ ላጽሓም ምዋጥን ለእሉ አጅረው ጀራይም ለአጅሩ። ዲብ እድንያይ ቤት ፍርድ እግል ልቅረቦ ኢትሰሚሕ። ክምሰል እሊ ላተ ጀራመት ህይ ዲብ አፍጋኒስታን እንርእዩ ህሌት። ርኢሰ አፍጋኒስታን ለዐለ ሓምድ ከረዛይ እግል ናሱ ብሐሕ ሓም ወረሰሚ ሸክዋት አሰክ እዳረት አሜሪካ እት ቀድም ተሐለለ። አሜሪካ እግል ናሱ ክምሰል አክጀህ ለልትዐለቱ ፍዕል

ጅቡቲ ሚዳን ዐስከርያይ ዐመልያት ፍዳኦን ምሰዳራት ለገብእ እተ ደውለት እግል ሊደያ ቱ። ዲብ ክእን ላቱ አዋይን ህይ ቅዋት ፈረንሰ እብ አሳሰሰ ፈርመው እተ እትፋቅየት እብ መብደእ እግል ጅቡቲ እግል ትዳፊዕ እሊ ኢቀድረት። ላኪን ውሕዳት አሜሪካ ዲብ ቀዳማይ ናይ መዳፈዐት ሳትር እግል ልግበእ ቀድር።

“ አግደ ህደፍ እዳረት አሜሪካ ዲብ መጋብህት ሰብ ሰልጠት አሜሪካ እብ ህምገም ልግበእ ወሱደፍ ለልትህደግ እብ እርሃብ ዲብ ምፍጋር ጸሓይ አፍሪቃ ወእዲን ሚቱ?” ለልብል መትሰእላይ ኢልትሐገል። ሐቆ ሐደሰ ሰብተምበር 2001 አሜሪካ እግል ናይ አማን እስትራተጅያይ መሳልሐ እግል አክዶት “መጋብህት እርሃብ” እግል ገሌ አውካድ እግል መብሐሎም አንፋር ለቀሸሸ አግቡይ እት ገብእ ጸንሕ ቱ። አሜሪካ ዲብ ናይ ሰልፍ ዐመልያት “ መጋብህት እርሃብ” እብ ምን ቅያሰ ወለዐል ሳሬ አግቡይ ትንፈዐት እብ። ሐሬ ላኪን አምን አመሰከብት ድወል እግል ሐምረንት እብ ምን ቅያሰ ወለዐል ሀባለት ለትመለእ አግቡይ ሸቄት እብ። እግል ገሌ ድወል “ 4-ሸላት” ለልብል ሰሚት ዲብ ተህይብ። “ መስከብ እርሃብ ወመንዘመት አልቃዕደ ተን” ዲብ ትብል እግል አሰልፍ ልግበእ ወእብ ወለት ገበይ ዲብ ናይ ክርስ ቅደይ ለትወድዩ መትአታይ እግል ገላባብ፣ ድደን ቀደም እሊ ሕሳብ እብሊ ደፊዐዩ መርከብ አክባር እንዲ ወዳት ፊራር ትወዳ ወናይ ጥያራት ህጅማት አው ወራር ተአጀሬ። ምር ናይ እሊ መሰል ለገብእ እግልን ህይ ዱቅሪ መትአታይ አሜሪካ ዲብ ሶማሊ እብ ሐቲ ጀህት። እብ ገበይ ኡቶብዩ ህይ እብ ካልእ እግል ልትህደግ ቀድር።

አቶብዩ እግል መሳልሐ አሜሪካ ለትከድም ደውለት

ምን ደንግብ ካልኦሪ ሐርብ እዲን አሰክ እሊ ዲብ ዋሽንግቶን ሰልጠት ለጸብጠው ትሉሉይ አንዘመት እዳረት አሜሪካ - ምን ርኢሰ ፍራንክሊን ሩዝቨልት እንዲ አምብትክ አክሰ ርኢሰ በራክ ኦባማ - ዲብሊ ሰልጠት አዲስ አበባ ለወርሰው ሲያሰይን አንዘመት ኡቶብዩ እብ ፍንቱይ ህይ ህጸይ ህይለሰላሴ፣ መሰሰ ዜናዊ ወሀይለማርያም ደሳለኝ ቶም ለተንክንበው።

ዲብ ቀር አፍሪቃ ዋሽንግቶን ለትተንክብ እተ አወላይት ደውለት ኡቶብዩ ቱ። ኬንያ እብ ካልኦሪ ደረጃት ኡጋንዳ ህይ ግራህ ትትረተቱ። ኡቶብዩ እግል እሊ ሲያሰይ ደር እሊ እግል ተአግዳ ለተሐራት እብ ሰብ ናይ ህምገም እንዲ ኢገብእ። እብ በሐሰ ለገብእ እት ገብእ፣ ዲብ እሊ ለገኢኦ ንቀጥ ለአተንክብ ሕርያን ቱ።

1. ዲብ ኡቶብዩ ለትወራረሰው አንዘመት ናይ አሰሕባብ ጠቢዐት ሰበት ሶም፣ ሰበት እሊቱ ህይ እሎም አንዘመት እሎም ስታቲባት አሜሪካ ለአገዱ ዲብ ህለው፣ እብ ብዕደት

ገበይ ናዮም ፍንቱት አጅንደት እት ፍዕል ለውዕሉ ክምሰል ህለው ሰበት ለአምር፣ እዳረት አሜሪካ እግል ፍንቱት አጅንደት ኡቶብዩ እግል መንጠቀት እት ወግም እንዲ ኢለኦቱ። ዲብሊ መስተዕምረት አዲስ አበባ ለለአቀሩብ ሐብሬ ክምሰል ልተንክብ ገሌ አምሪካዮን ዲብሎማሰዩን ለሐርብ። ክምሰል ልትአመር ሰፊር አሜሪካ ዲብ ኡቶብዩ ዳቪድ ሼን ሐቆህ ናይ ሸቅል ወቅቱ ክምሰል አትመመ፣ ለቀድዮት ትፈሀመቱ። ህቱ፣ እዳረት አሜሪካ ዲብሊ ኡቶብዩ “ዲብ ሶማሊ መርዕደት ዐናሰር ህለው እንዲ ትቤ ለአቀርብ ሐብሬ እግል ልተንክብ ክምሰል አለብ እትፋቅድ ዐለ። ሰበብ ክምሰል ሰፊር ዳቪድ ሼን ለቤለዩ፣ ኡቶብዩ ዲብ ሶማሊ ናዮ ፍንቱት አጅንደት ዐለት እግል። ሰበት እሊቱ ህይ እዳረት አሜሪካ እግል ናይ አማን ሐብሬ፣ እብ አርወሐቱ አው ህይ እብ ናይ ሰልፍ ሚታታት እንዲ ተአክብ እግል ለሚርዩ ክምሰል ቡ አትፋቀደ።

2. ምስተዕምረት ኡቶብዩ እምበል ሸክ ደሚር እብ አለበ ገበይ ዲብ ረክሰ ገባይል መንጠቀት ቀር አፍሪቃ ዋይዳባት እግል ሊደው ዱሉያምቶም ለዐለው።

3. ሕውነ ትሉሉይ አንዘመት ኡቶብዩ ዲብ ናይ ካርጅ ሰዳይት መተንክቦም፣ ኡቶብዩ እግል እሊ ኢፋሉታይ ሲያሰይ ደር እሊ እግል ተአግዳ አግደ ሰብ ጋብእ ቱ። ሰበብ፣ ዲብሊ አሜሪካ ለተህይዮምቱ ማልያይ ሰዳይት ወዐስከርያት አላት ወናይ ሲያሰት ተቅዋየት - ዲብ ወክድ ህይለሰላሴ እብ እተሓድሮ ሶቬት ህይ ዲብ መደት መንግስቱ ህይለማርያም - መተንክብ ሰበት ለምደው።

ንዛም መሰሰ ዜናዊ፣ ዲብ ማዮም 1991 ሰልጠት ምን ጸብጠ እተ ኢነት እንዲ አሰተብደ አሰክ እሊ ምን ድወል ምውዳቅ ጸሓይ ወሃይባት 26 ቢልዮን ዶላር ራክብ ቱ። ክምሰል አሰልፍ ለእምቤሊ ህይ ሴድያይት ውዛረት ካርጅየት አሜሪካ ዲብ ቀር አፍሪቃ ለዐለት ጃንዳይ ፍሬዘር፣ ኡቶብዩ ሶማሊ እግል ትውረር እጃሃረት ሃይባት ቱ። ኡቶብዩ ዲብ ምጅልስ አምን እግል ኢትሰቀቅ ህይ አሜሪካ እግል ትሰደዩ ክምሰልተ አትአመረት። ለሳደፊ ወራር ኡቶብዩ እግል ሶማል፣ ዲብ ዲሰምበር 2006 ቱ ለዐለ። ምጅልስ አምን እግል ኡቶብዩ እብ ወዳቱ ወራር ኢሰቀዩ።

4. እሊ እዜ ለህሌት እዳረት አሜሪካም ክምሰል ቀደመ ለዐለው፣ ኡቶብዩ ዲብ ምፍጋር ጸሓይ አፍሪቃ ለዐቤት ናይ እሊ መንጠቀት ቅወት ክምታቱ ለተአምን። እሊ ህይ ዲብሊ ዲብ ሰብተምበር 2002 “እስትራተጅየት ወጠኒያይ አምን አሜሪካ” ዲብ ሐንቲ ልብል አርኢሰ ለነሸረቱ እግል ናይ ካርጅ ሲያሳተ ለትወዳሕ ወሲቀት ውድሕቱ ህሌት። ዲብ እሊ ቀር አፍሪቃ ህይ ክምሰል እስትራተጅያይት መሰንዩተ ትርእዩ። 154

መሀረጃናትን ምን ቦሎኛ አስክ እሊ ሃድል!

2ይ ወናይ ደንበበ ክፈል

ሓምሳይ ሙክተመር ኤርትራዊን እግል ሕርየት ዲብ ኦርቦ ዲብ ሰነት 1974 ሙክተመርም አስተብደው። እግልሚ ቦሎኛ እምቤ ምንገብእ ህይ ዲብ መደት ለሀ ቦሎኛ ዝያደት መስከብት ወሰላም ዓሸል እተ ለዐለ መዲነት ምን ገብአት ቱ እሊ ሙክተመር እሊ ለተሐደረት። ምን እሊ ወክድ እሊ ወሐር ህይ። እት ክል ሰነት ገብእ ለዐለ መሀረጃናት ወሙክተመራት ትትሐደር ለዐለት መዲነት ለዲብ ሰነት 1974 እብ 250 ነፈር ለአስተብደ ሙክተመር ህይ። ዲብ ካልኣይ ሐሉ ሐድ 2000 ምዋጥኒን ሻረከው እቱ።

ወክድ ሌጠ እንዴ ኢገብእ። ዲብ እሊ ሰነት እሊ ትሉሉይ ወራራት ገብእ እቱ ለዐለ እዋን ቱ። ለአማን እሊ ዲብ እንተ ሰእየት ለለህይብ ቴለልመ ዐለ። ህቱ ህይ ጀብህት ሸዕብየት በዴት ወክምደት ዲብ ትትብህል ወእብ ዴሽ አባይ ዲብ ትትነዔ ክርን ገቢል ለትወለደት እተ ሰነት ሰበት ዐለት። እሊ እግለ ዲብ ካርጅ ለዐለው መክማት ጀማሂር ልግበእ ወእግለ ዲብ ክርስ ሚዳን ድድ አባይ ናድል ለዐለ ሸዕብ ኤራትርየ ብሸራት ዐባይ ክምሰል ዐለ አሰይድ ሰለሙን ሸርሐ።


ሰነት 1980 ጀብህት ሸዕብየት ምን ትትአሰስ ዓሰራይት ሰነተ ለወዴት እተ ሰነት ዐለት። እትለ

ሐምስ ሰነት ሻፍፍ ለዐለ ውቃው እዝ ወዐመልየት ኮማንዶ ዲብ መጣር አስመሪ ለልዘከር እተ ሰነት ዐለት። እብ ክእነ ህይ ለዲብ ካርጅ ነብር ዐለው ኤራትርየን ሙክተመር ወመሀረጃናት ዲብ ለአተራቱ ገይሶ ዐለው።

ዲብ ክል ሰነት ገብእ ለዐለ መሀረጃናት ለትፈናተ ዐቦት ዲብ ለርኤቱ ለአተላሌ ለዐለ። መሰለን ዲብ ሰነት 1985 ሰውረት ኤራትርየ ዲብ ትጠወር ወትደቀብ ተገይሶ ለዐለት እቱ ወክድ ቱ። እሊ ለረአው 80 ለገበእ ውላድ ካርጅ ዲብ ሙክተመር ሻረከው። ዲብ ግራህ ለዐለት ሰነት 1986 ህይ ኢዮቤል ፍዲ ሰውረት ኤራትርየ ለዐለት ሰነት ቱ። እብሊቱ ህይ ዲብ ቦሎኛ እትሊ መሀረጃናት እሊ ሐድ 4000 መሻርከት ሻረከው። እብሊ እት ክል ሰነት ዲብ ቦሎኛ ለገብእ መሀረጃናት ህይ እሊ መዲነት እሊ እግል መደት ሳምን ዓሰመት ኤራትርየን ላጅኢን እንዴ ገብአት ተአተላሌ ዐለት።

ሰነት 1987 ጀብህት ሸዕብየት 2ይ ሙክተመሪ ወምሰል ጀብህት ተሕሪር ቅያደት መርከዘየት (ሳግም) ህይ ናይ ውሕደት ሙክተመር ለገብእ እተ ሰነት ሰበት ዐለት። እሊ መ እግል ናሱ ብሸራት ዐባይ ቱ። እትለ ሰነት እሊ ምን ሰውድየ ወጀርመን ለመጽአየ ፍረቅ ዓዳት ዲብ እሊ መሀረጃናት ቦሎኛ ዕፌ ቀደመዮ።

ዲብ ሰነት 1988 ዲብ ሰውረት ኤራትርየ ለዐለ ዐውቱ መደውሻሽ ናደው እዝ ወተሕሪር መዲነት አፍዐበት ለገብእ እተ ሰነት ዐለት። እትሊ ዝያደት ለልዘከር፣ ዘበናይ አሰለሐት ለትሰለበ እተ ሌጠ እንዴ ኢገብእ ለመጦር ደርግ እንዴ ገብአው ልትሓረቦ ወመክሮ ለዐለው ውላድ ሶፊት ዙባዋ ለትጸበጠው እቱ ታሪካይ ሐርብቱ ለዐለ። እብሊቱ ህይ ለዲብ ቦሎኛ ገብእ ለዐለ መሀረጃናት ወሙክተመራት ምሰል እሊ እበ ትጸባዎ ገበይ ዝያደት ዐቦት ወተጠውር ለአርእ እተ፣ ሐድ 6000 መሻርከት ለሻረከው እቱ ክምሰል ዐለ አሰይድ ሰለሙን ዲብ



ሐቆ እሊ ዲብ ክል ሰነት ገብእ ለዐለ ሙክተመራት ምን ወክድ ዲብ ወክድ ዐቦት ወተጠውር ዲብ ለርኤ። ዲብ አግቡይ መትካሙ ልግበእ ወብዘሐለ ሻርት እቱ ለዐለው መሻርከት ዝያደት ወጠኒያይ መባጽሕ እንዴ ጽብጠ ለአተላሌ ክምሰል ዐለ። አሰይድ ሰለሙን ድራር እተ እሊ ወደ ሰሚናር ወደሐ።

ለዲብ ሰነት 1979 ዲብ ሚዳን ለገብእ ሙክተመር መክማት ጀማሂር። ዲብ አራግ ምሰል መትካምባት መሕበር ሸቃለ ወአዋልድ አንሳት ለገብእ እት ገብእ። ዲብ 119 ሸቃለ ወክለ ወ 250 አዋልድ አንሳት ለወክለው መሻርከት ሹሩካም ዐለው። እሊ ወክድ እሊ ክምሰል ክልነ ነአምሩ ዲብ ሰውረት ኤራትርየ ለትሰደደ ወቅትቱ ለዐለ። እግልሚ ሰውረት ኤራትርየ እብ ሰበት መትካታይ ድወል ካርጅ ምሰል ደርግ ምን ሕሩር ለዐለ መዳይን ወምን ከበሰ ዲብ ሳከል ለአንሰሐበት እቱ

ሰነት እሊ ለገብእ ሙክተመር ህይ እግል ሰልፍ ኢነት ሐካይም ለሻረከው እቱ ዐለ። እተ ሐቆህ ለዐለት ሰነት 1981 ህይ ናይብ አሚን ዓም ጀብህት ሸዕብየት ተሕሪር ኤራትርየ ምናድል ኢሰያስ አፈወርቂ ዲብ አርቦ ጀውለት እንዴ ወደ። እበ ዲብ ኤራትርየ ገብእ ለዐለ አሕዳስ ልግበእ ወወራታት ዲብሎማሰየት ሰሚናራት ለወደ እተ ሰነት ዐለት። እብ ፍንቱይ ሰነት 1981 መዳሊት እግለ ሐቱ ዶል ወእግል ዲመ ሰውረት ኤራትርየ እግል ልደምር ልዳሌ ለዐለ ዴሽ አባይ ትዳሌ እቱ ለዐለት ሰነት ዐለት። እብ ክእነ ዲብ ለአተላሌ ዲብ ሰነት 1982 ሳድሰ ወራር ክምሰል ፈሸል ዲብ ሰነት 1983 ህይ 5000 መሻርከት ለሻረከው እቱ ሙክተመር ዲብ ካርጅ ገብእ። ሰነት 1984 ክምሰል ክልነ እንፈቅዱ ዐውቱታት ለትሰርጌነ እተ ሰነት ዐለት። ተሕሪር ተሰነይ፣ ተድሚር ናይሊ እት ቅብለት ሳከል እግል መደት

ዲብ ክል ሰነትቱ እምበል አትካራም ገብእ ለዐለ። እብ ፍንቱይ ዲብ ሰነት 1989 እተ ገብእ ሙክተመር ወመሀረጃናት አግደ መመቅረሐት ሚዳን ለአተው እቱ ወሸዐብ አሰክ 60,000 ዶላር ለትበረወው እቱ ክምሰልሁመ ፍርቀት ዓዳት ምን ሚዳን አሰክ ቦሎኛ እንዴ ጌሰት ለሻረከት እቱ ወእበ ዲብ ለነብር ዐቢ መዕረድ ሰወር ለትቀደመ እቱ መሀረጃናት ዐለ። እምበል እሊ ሱሕፍዩን ኢጣልዩን እግለ መናሰበት ለነሸረው እቱ ወዝያደት ተበረዓት ለትረኡ እቱቱ ለዐለ። እግል መሰል እትሊ መሀረጃናት እሊ እሲት ሐሰን ኪክየ 10,000 ዶላር ትበረወት ወዲብ ክል ወሬሕ እግል ምናድሊን ለገብእ 500 ዶላር እግል ትትበረዕ ክምተ ገለድ ለአቱት እቱ ወቅት ቱ።

መሀረጃናት ቦሎኛ ዲብ ናይ ሰነት 1990 ምሰል ዐመልየት ፈንቅል ወተሕሪር ሚነት ባጽዕ ለዐለት እቱ ወክድ ሰበት ሳደፊ። ዝያደት መሻርከት ናይሊ መሀረጃናት ዝያደት ክሉ ለትረኡ እቱ ወክድ ቱ ለዐለ። እትሊ መሀረጃናት እሊ

“ጸሓይነ እብ ተማመ እግል ትብረቅ ቱ” ልትብህል እቱ ለዐለ ወክድል ሰእዮብ ቱ ለዐለ። እትሊመ ምን ሚዳን ለጌሰት ፍርቀት ዓዳት ሻረከት። ዲብ እሊ ሰዳይት ወተእዩድ ብዙሕ ገብእ። መአሰሰት ነቅፊ ዲብ እሊ ወክድ እሊ እንዴ ተአሰሰት 10,000,000 ዶላር እብ ትበገሰት። ምር ሰህም ናይሊ መሻርከት ህይ ምር አልፍ ዶላር ዐለ።

ሰነት 1991 ለዲብሊ ሐልፈት ሰነት 1990 ጸሓይነ እብ ከማለ እግል ትብረቅቱ ለትብህለት ሰቅራት፣ ጸሓይነ እብ ከማለ በርቀት እበ ትብል ትብደለት። እግልሚ ኤራትርየ ሐቆ ናይ 30 ሰነት ንዓል መሪር ተሐረረት። ዲብ እሊ መሀረጃናት እሊ ሐድ 13,000 መሻርከት ሻረከው። ቃደት ዴሽ ሸዕቢ ተሕሪር ኤራትርየ ህይ ዲብ መሀረጃናት ቦሎኛ ሐድረው። ዲብ መሀረጃናት ምን ክቱብ ዐለ ፖስተር ዐቢ “ሹክረን ቦሎኛ” ለልብል ዐለ።

ሐቆ እሊ ሸዕብ ኤራትርየ ምን ከደን ወዐለዮ ዲብ ዐዱ ለለአቅብል እቱ ወክድ ሰበት ዴሬ፣ ለዲብ ቦሎኛ ሌጠ ሕዳድ ለዐለ መሀረጃናት። ዲብ እሊ ዮም ሰነት 2024 ዲብ ሐረት ኤክስፖ ገብእ ለህለ መሀረጃናት እስትንቡረት ለገብእ መሀረጃናት ዲብ ሰነት 1992 ዲብ ሐረት ኤክስፖ ገብእ። ወምን ወቅት ለህይ ወሐር፣ እት ክል ከረም እምበል ገሌ አሰባብ ለትሰረረተ ዲብ ለአተላሌ። እሊቱ ዲብ እሊ ሰነት እሊ “ደማን እብ ሰባት” እበ ትብል ሰቅራን እብ አምኦት አላፍ ለልትዐለብ ምን ክርስ ወጠን ወካርጅ ለመጽአ ንኡሽ ወዐቢ ዲብ ልትሐደር እግል። መደት 9 አምዕል እምበል አትካራም አተላሊ ወእብ ዐውቱ ተመ።



እሊ ወደ ሰሚናር ተውዴሕ ሀበ። ለሙክተመራት ወመሀረጃናት

10,000 አዳም ሻረከ። እትሊ መሀረጃናት እሊ ለዐለት ሰቅራት

ሙሰውርጉ ክብርም ጸሀዩ

ሐላት ሐርስ ምዴርየት ፎርቶ ሳወ

የም እትሊ ዓሙድ እሊ ምስል አሰይድ ሀብቶም ሐዲሽ መስክል ውዛረት ሐርስ ምዴርየት ፎርቶ ሳወ ወመስክሊን መሕበር ሐረሰቶት፤ ሐላት ሐርስ ናይሊ ምዴርየት እብ ከሰሰ ለውዴናህ መቃብት እግል ንቀድም እግልኩምቲ፤ ከቅራኦት በኪተት።



አሰይድ ሃብቶም ሐዲሽ

ሰአል፡- መክተብ ውዛረት ሐርስ እትሊ ምዴርየት ለትቀንጽ እቦም አሸቃላት እግል ትወዴሕ እግልን?

በሊሱ፡- ሕነ ለእንቀንጽ እቦ እት 13 እዳራት ደዋሐ ዲብ ወክድ ከረም ለገምል ሐርስ ወርዘቅ ንዋይ ከምስልሁመ እት 4 እዳራት ደዋሐ ገምል ለሀሊ ሐርስ ጀራዲን ሐብሬ ንሀይብ ወእንራቅብ። እምበልሁመ ሕፍዘት ማይ ወትርበት ወእሕሳእያት (ሰታቴሰቴክስ) ናይሊ ሐንቲነ ለሀሊ ሸቅል ለወጀህ ሀሊ እግልን። እሊ ሸቅል እሊ ክሉ ዲቦ እግል ንቅንጽ 8 ነፈር ሌጣቲ ለሀሊን። ለሸቅል ብዙሕ ወሊ ሀሊነ አዕዳእ ሐዳም ሰበት ሕነ ክል ምኒን እት ረከሰ ሸቅሉ ሸቅል እንዴ ወሰኮቲ ከድም ለሀሊ።

ሰአል፡- እሊ ምዴርየትኩም ፎርቶ ሳወ እብ ሐርስ ጀራዲን

ምነ ለልትአመራተ ከከአፎ ሀሊ? በሊሱ፡- ምዴርየት ፎርቶ ሳወ እብ ሐርስ በሰል፡ ከመዶር (ጠማዋም)፡ ሸጠ ወጣፍ ለትትአመርተ። ክምስልሁመ ሐድ ናይ በናኑ ማንጉሱ ለይን ወዘርእ ቡን ክም ጀርቤ እንቡት ሀሊ። ጣፍ በዲር እት ከበሰ (አውለት) ሌጣቲ ልትዘራእ ለዐሊ፡ እዜ ላኪን እትሊ ምዴርየት እንዴ ትጀረብ እብ ሐድ ማይ እተ ናይ በሰል ለዐሊ ግራህ አሰፍ ክም ዘርእዉ ገብእ ሀሊ ወነቴጀቲ ለትትሐመድተ። ለሀሊው እግልነ ሐረሰቶት ሰብ ጀራዲን ሀይ 329 ገብእ፡ ምን እሎም 21 እብ አዋልድ አንሳት ለልትመለኮቲ።

ሐድ 2800 ሄክታር ለገብእ ርሕብነ አርድ እግሉ ሀይ ለአገምሎ ሀለው። ነቴጀት ናይ ሐርሶም እንርእዩ እት ሀሊነ ለልትሐመድተ። ክሉ ለለአፈርዉ አሰክ አሰመራቲ ልትለክክ፤ እግልሚ ለሀሊ እተይ ምን ኬን እሊ መንጠቀት ሰበት ቲ። ለናይ ከረም ሐርሰነ ሀይ ክም ማሼሊ ውብልቲግ ቲ። እትሊ ሰነት እሊ እግል ልትሐረሰ ለአዳሌናሁ ሀይ ሐድ 6900 ሄክታርቲ። እትሊ ባኮት ለልትዘራእ ለልሙድ ዘርእ እንዴአጉን፡ እብ ደረጀት ውዛረት ለመጽእ ሕፍይ ዘርእ ለልትሀሊ አህላን።

ሰአል፡- እንቲም ክም ውዛረት ሐርስ ምስል እሎም ሐርሰቶት ለሀሊ እግልኩም መትጻባዋ ሸቅል ከአፎቲ? በሊሱ፡- ክል በዐል ጃርዲን ክልዶል ሸቅሉ ለከሰሰ እግልነ ለአትአምር፡ ሕነ ሀይ እብ ጀህትነ መታበዐት እንወዴ ወለእተዋም

እግል ዓቡዮት ልግበእ ወሊ ሳድፎም መሻክል ናይ ባልዲን ክልዶል እግል ልትጋመው ምስልነ መጽእ። እብ ጃንብነ ለሀሊ መሻክል እንርእዩ ወሐል ለገብእ እግሉ እቲ እንገምዮም ወእንሰድዮም። ከምስልሁመ ምስል ሐርሶም ለልትጻባዋ ሐድ ሐድ ንዋይ ለመልኮ ብዘሓም ሰበት ተም፡ ለሀሊው እግልነ ሰብ መቅደረት ንዋይ እንዴ ንሰው ደዋ ወጎማት ሀዩቦም። እትሊ ምዴርየት ናይ ርዕዮ አው ደሐን ንዋይ ሀሊ እግልን። እብ ፍንቲይ ኮለንቲባይ ለልትሀሊ ባኮት ናይ አባግዕ ወአጣል ብዘሐ ሀሊ፡ አሐ ላኪን ብዙሕ አላብናን። ሐላት ዓፍየት ናይ እሊ ንዋይ እሊ እትሊ ወክድ ብዙሕ ሕማም ክም ገድዐ ንዋይ ለልትሀሊ ሕማም ዐጣል ወአባግዕ ልትርእዩ ሀሊ። እግሉ እግል ሳሪዮት ንትሐረክ ምንመ ሀሊነ ምስል ለሀሊ እግልነ ናይ ሰብ መቅደረት ሕዲነ ክምመ ለትሐዘ ሰራይ ረክብ ሀሊ እግል ልትሀሊ አልትቀደርን።

እምበልሁ ሰብ መቅደረት ዘርእ ውብቅልመ እንዴ ንሰው ሕማም ትረእ ምንገብእ ደወ ክም ረክቦ ወእሰዉ ደወ ትነፈዐው ምንገብእ ዲብ ነነቴጀት በጽሐ መኩርም፡ ወሀሊ እግልነ ምንገብእ ሀይ፡ ምን እሊ መክተብነ ንሀይቦም። እብ ፍንቲይ እትሊ ወክድ እሊ እብ ደረጀት ውዛረት ዝያድ ክም ለዐብ ሐብሬ እንዴ ትሀሊ እግል ሐረሰታይ እግል ልትሀዩብ ለቡ ሀይ መትነፍዮት ሸፍር ኮምፖስት ቲ፤ እትሊመ ከአፎ ልትነፍዮ እቦ ነአደርሶም ወነርእዮም ሀሊን።

ሰአል፡- እት አክር እት ሸቅልኩም ለሳድፊኩም መሻክል ለገንሕ ለትብሉ ምን ለሀሊ? በሊሱ፡- ምነ መሻክልነ ለሀሊ ሰልፍ ክሉ ናይ መዋሰላቲ። እት ክሉ ለሀሊ ምንማቲ፡ እብ ፍንቲይ ዲብነ ምስል ለሀሊ ሪም አርድ ምሮ ሐረሰታይ እንዴ አትርእዩ፡ ሰለሰ ወሬሕ ከልክክ ምንገብእ ለእንታጅ ልትቀየር ክሰሰን ሕማማት ሳደሬነ ለልብሎ። ሰበት እሊ ናይ መዋሰላት መሻክልነ ሐል እግል ልግበእ እግል። ብዕድ ናይ ሰብ ጀራዲን መሻክልቲ። በዲር ምን ሕኩመት ጃዝ መጽእም ዐሊ፡ እትሊ ወክድ እሊ ሀቲ ሰበት አህሊ፡ መሻክል እብ ሕዱድ ለመጽእ ጃዝ ጋብአም ሀለው። እሊ እግል ልብጠር ለሐል እብ ሕኩመት ገብእ ለዐሊ እንዴ መጻዮም መሻክልም እግል ልርሄ። እት አክር ሀይ፡ ሐረሰቶት እተዋም እብ ዋጅብ ዐዳገ እግል ልርከብ እት ሐርሶም ምን ለትፈናተ አድውየት ረሸረሸት እግል ልትሓፈቲ፡ ክሉ እንዴ ከድመው እብ ሰብ ደወ እንዴ ወደው ለልአባቱሉ እግል አልክሰር እትፋኔ።



አሰይድ ዑሰማን አሕመድ



ሸክ አሕመድ መሕመድ



አሰይድ ዋሃብዝ ወልድአብ

ለዐውል ተሐት ከርወ፤ እሊ ሀይ ፈርዶትነ እብ ብዙሕ ተካሊፍ ውተዐብ ለአፍሬናሁ እምበል ፋአደት ልትለከፍ ሀሊ። ሸሪከት ናይ አፍሂምቦል አው አለቡ እብ ፍንቲይ ናይ ከመዶር እተይነ ምን ልትከበተ ምኒን፡ ሐረሰታይ ወትሰጀዐ ወእንዴ አፍረ ወረክብ። ለካልአይ ሀይ ናይ ጃዝ መሻክልቲ። ለሀሊ እግልነ ሐል እግል ልግበእ እግልነ ከምስልሁመ፡ ናይ ቲቦታት (ዐንድር) እት ጀራዲን ማይ ለነአሰቴቡ መሻክል ሀሊ እግልን። ሓክም አቅሊም ሐል እግል ልግበእ እግልነ ሳኦየት ሀይብነ ምንመ ሀሊ፡ እብ ሻፍግ እግል ልምጸአነ። እምበል እሊ ደወ እብ ቃሊቲ ንዛቤ ለሀሊን፡ ሀቲም ምን ሕዱድ እንዴ ተዐዳናቲ። እሊመ ሐል እግል ልግበእ እግል፤ እግልሚ ምስል ለሀሊ ናይ እንታጅነ ዐዳገነ ሀቲመ ቀሌ ዲብነ ሀሊ። ብዕድ መሓዝ ሳወ ምስል ወሓይዝ እብ ሚዛንዮት ናይነ ለንአሸቅዩ ቦክሊን (ከራከት) ሰበት አላብነ፡ ሀተ ሀሌት ምንገብእ ክሉ መሻክል ናይ ሰብ ጀራዲን እግል ንፈተሕ ሰበት እንቀድር፡ ምስል ለሀሊ ብዘሐ መሓዛት እግል ትምጸአነ እንጠልብ” ልብሎ።



መሕበር ጀራዲን ፎርቶ ሳዋ

ሸባብ

ዶ/ር ዑመር ዑሰማን



ነቅፋ፡ አሳሰ ሰባተት ወዴማት ሐጠር

እት አክር ሰነት 1976 ዴሽ ደርጊ እብ ጀሀት ናር፡ ሄሊኮፕተራት እንዴ ትነፈዑ፡ ኮማንዳሰ ለሻረከው እቲ ሐድ 600 ለገብእ ዴሽ ካሪ ዐለ። እሊ ለእብ ኮሎኔል ክንፌ ገብሪኤል ለልትመረሕ ዴሽ፡ መካይዱ ምን ዴሽ ሸዐቢ ሰበት ኢተሐበዑ፡ እት ናር እብ ሰረን ፈሳሌ፡ ከቲቦት 607፡ 500፡ 301፡ 1 ወምን እት ግራ፡ ሳሕል ለዐለየ ከፈፍል ለትፋገረው ምናድሊን እንዴ ጸፍዐው፡ መጀርሒኑ ወማይታሙ እንዴ ሐድገ አስክ አፍዐበት እገሩ እት ልሰሕብ አቅበለ።



መዳነት ነቅፈ ቀደም ተሕሪር

እት ንዳል እርትርየ ምን አጅል ሕርየት፡ መዳነት ነቅፈ ሐቲ ዶል ክም ተሐረረት ካልእ ዶል እት ሐንቲ አባይ ለይኡቲ፡ አሳሰ ሰሙድ ወኤማን ገቢል እርትርየ ተ። ምናድሊን እት ረወሪት ነቅፈ እንዴ ገአው፡ አሰበረው፡ ሰፍረው፡ ትጃርሐው ወአሰተሸሀደው። ሐጠርም ወፈራሰቶም አርአው፡ ወእት አክር ሓላት እል አኬት ምን አኬት ዲሶም፡ አማን ወለራቴፅ ገቢል ክም ልትዐውቶ አክደው።

ነቅፈ እት የም 22 ማርሰ 1977 ተሐረረት። ሐርብ ተሕሪር ለአሰብደ እቲ ወክድ ላኪን ቀደም 6 ወሬሕ በሀለት ዲብ ሰብተምበር 1976ቲ። ለእግል ነቅፈ እት ከርዶን ኡቲያተ ለዐለየ ክታይብ 607፡ 500 ወሰርየት ሐቲ ናይ ከቲቦት 1 ወከቲቦት 3 ለምን ኣውለት አስክ ሳሕል መጽአያ ተን ለሻረከየ እተ። ከቀደም እትሰ ሰተሐሪር መዳነት ነቅፈ ለአከደት መዕረከት እንገይሱ፡ እብ ሰበት ለአስክ ተሐሪር መዳነት ነቅፈ ለአብጸሐ ከርዶን ነቅፈ ምን እንረኤ።

ከክም እሊ ታሪክ እግል ሸባብ እርትርየ ሚ ለአደርሶም እንቤ ምን ገብእ፡ ሐቲ፡ እል እነብር እተ ለሀሌነ ወጠን እብ ዐውል ቃሊ ወመትሰባል ለመጽአት ክምተ እንዴ ኣመረው፡ ህቶም ህዬ ሚ እግል ሊደው ቀድሮ? ምን እል እት ወቅት መትሐራር ነቅፈ አበውነ ወአብዕታትን ለአርአው ፍርሰት ሚ ደርሱ፡ እት ልብሎ አትዋያን ወፍሂም ለአትሐዘዮም።

ለእት የም 17 ወሬሕ ሰብተምበር 1976 ለአንበተ ሐድ ሰሰ ወሬሕ ለጸንሐ ከርዶን ነቅፈ እት ቀበቲ ብዞሕ ዐጃይብ እብ




መከተብ ማሞ ለዐለት ሺለት

ከእግል የም እብ ዕን ሸባብ ከርዶን ወተሕሪር መዳነት ነቅፈ ሚ ምህም አፍካር ብእቲ ወሚ ለአደርሰነ ለልብል መጃል እግል ንትናወል ቲ። ዴማትኑ ክታብ “ግፍዲ” ዛንታታት ተመክሮ ገድሊ፡ ዕልብ ሰቦ ቲ።

ምናድሊን እርትርየ ጃሪ ቲ። እት መትአንባት ለመዕረከት fh-86 ለጅንሰ እት አሚሪክ ለትሸቄት ዋያሪት አቶብየ እብ ድድ ጣኢራት ሰላሕ ከቲቦት 500 ናይ ዴሽ ሸዐቢ እንዴ ትዘበጠት ትከሬት። ብዕድ፡ እትሊ ከርዶን ነቅፈ ናይ ክቡድ ሰላሕ ወአልቃም አፍገሮት ወአምከኖት ቅድረት ዴሽ ሸዐቢ ትጠወር እት ህሌት፡ ጸቢዋ ድፋዕመ ምን መትሐርካይ በሰር፡ ምናድሊን እት ዳይም ድፈዕ እግል ልትሐረቦ አንበተው።

እሎም መሔርበት አክል እሊ መትሰባል፡ ዕርቅኑ፡ ሰፍራ፡ ጽምእ፡ ጅረሕ ወምን አጅል ወጠን ወሸዐብ ነፍሶም ፍዘ ለወደው፡ እግል ሚ ቲ ገብእ? ሕነ ህዬ ምን እሊ ተእሪኮም አክል አዩ ነአምር አው ወረሰነ እት እንብል መትሐሳር ወታእሪክ ንዳል ሸዐብን ቀዋቀሎት፡ ታእሪክ ወጠነ እት አመሮት፡ እንዴ ሰደ አሳሰ ትሩድ፡ ናይ ምስተቅበል እግል ልግበእ እግልነ ሰበት ቀድር፡ ክል-ዶል እግል ንትናወሉ ለብን ጋር ቲ።



ነቅፈ ግሌ ወየም

ምናድሊን ለሓኩ።

እሊ እት ለዐል ለሸረሕናሁ መትሰባል፡ ኢመትሐሳል ወእብላ ህሌት እክ ለልትቀደረክ ወዴ፡ እግል ንዳል እርትርየ እት ዐውቲ ለአብጸሐ ቲ። እሊ ህዬ፡ ለሔሰት ዝሕረት ዲመ ላቲ ታሪክ እግል ሸባብ ኤረትርየ ቲ።

ሸባን፡ ለህላ እሎም በክት፡ እሊ ሚርሓየም አሰተሸሀደ ምን ገብእ፡ ክምሰልሁ እንዴ ገአው መትሐራብ ወእተ ግራሆም ለህለው ምናድሊን ሸባን፡ እሊ ፍክር ሓለፎት ሌጣ ቲ።

ወድ አዳም እት በሌዕ ወሰቲ፡ ሕርየት ለአለቡ ወጠንዬ ለልብላ ወረኣሱ እንዴ ረፍዐ ለገንድል እተ ወጠን ሐቆ አለቡ፡ ሀለዮቲ ተርጀመት አለቡ። ምናድሊን ኤረትርየ ህዬ ጀላብ እሊቲ አርወሐቶም ፍዘ እንዴ ወደው፡ ትርድት፡ ለትትክጀል ወእብ ናሰ ለትነብር ወጠን ወሕርየት ለአምጸአው እኑ።

ክም እሊ ነባሪ እት ሐድ ገባይል እድንያቲ ለልትረከብ። እሊ ደሀብ ላቲ፡ ምን አጅል ሸዐብክ ነፍሰክ ፍዘ ወዴ ወእብ አማን ሚርሓይ ገአክ ምን ገብእ፡ ቀደም ዴሽ እንዴ ገአክ እት ሐርብ አቲ፡ ወምርሐት፡ እት ክም ገቢል እርትርየ ላቶም ሐዳም ገባይል ሌጠ ለልትረከብ ቃሊ ነባሪ ቲ።

መዕረከት ተሕሪር ነቅፈ እተ ምን ነአቀብል መራር ወትርድት ተ ለዐለት። ለምሰል ዴሽ ክርዱን ለዐለ ሻለቀ ማሞ ተምትሚ ናይ ዴሽ ደርጊ፡ ትሩድ ወለኢልትሀመል ዐሰከሪ ክም ዐላ፡ ምናድሊን ሸርሐ። ትሩድ ዐለ ላኪን ምኑ ለልተረዶ ውላድ እርትርየ ምናድሊን ወአማን ለተዐንደቀ ሸዐብ እርትርየ ተዐወተው እቲ።

ሸባብ የም ህዬ ዋጅብነ እብ ለትወቀለት ገበይ እግል አግደዮት፡ ወዐድነ እርትርየ ገጽ ቀደም ክም ተአሳድር እግል ውድየተ እትላ ንትፈረር እቲ ሄራር፡ ለምህም ጽዋርነ እሊ “ለእት ቀደም እንዴ ገአክ ምራሕ” ልብል ፍክር ዴሽ ሸዐቢ ሌጠ እግል ልግባእ ቡ።

እት መዕረከት ተሕሪር ነቅፈ 4 ማግ ለጅንሰን መካይን፡ 7 ናይ 81 ሚ.ሚ ሞርታር፡ ክልኤ ናይ 75 ሚ.ሚ መድፊዕ፡ ሞርት ሃውን፡ ሞር ናይ 12.7 ሚ.ሚ ረሻሻ ወሐድ 400 ሚ.ሚ -17 ሚ.ሚ -14 ለጅንሱ ሰላሕ ክም ሰልበ ወሳይቅ ምናድሊን ለአርኤ።

እት መዕረከት መትሐራር እም ሰሙድ ላተ መዳነት ነቅፈ ሐመልማል፡ ህዬ ክም ከረ ሞር ምን መአንብተት ዴሽ ሸዐቢ፡ ወቃእድ ከቲቦት 1 ምናድል ገዛኢ ሀብቲ፡ መስኡል ሰርየት ምናድል ፍቅሬ መሰፍን፡ ለእሙር ሓጥር ሬፍዳይ ምዕባየ እንዴ ትግህለ ሰተሐለ እሉ ቃእድ ከቲቦት 3 ምናድል በርሄ ጸዕድ፡ ምን በጠሎኒ 500 ምን ቅያደት ሰርየት አብርሃ ሸሪፍ፡ ሞር ምን መስኡልየት ሰርየት ዐለ ድርፎ፡ ሞር ምን መስኡልየት ሰርየት፡ ከቲቦት 607 አማንኤል በይን እብ ሐጠር አጅል ሸዐቦም ወለፈትወ ትርበት እርትርየ አሰተሸሀደው።

ሞርት ምን እት መትሐራር መዳነት ነቅፈ፡ እብ ዋቄፅ ለትረኤ፡ ሸባብ የም እግል ንውረሱ ለወጅበነ ቃሊ ነባሪ ዴሽ ሸዐቢ ላቲ፡ “እት ቀደም እንዴ ገአክ ምራሕ”፡ “መሰል እንዴ ገአክ እብ መትሰባል አትሐርብ” ለልብል፡ ምንለ ዐበው አሰክለ ነአሸው መሰኡሊን ዴሽ ሸዐቢ፡ ልትመርሐ እቡ ለዐለው ፍክር ቲ።

እሊ እት ለዐል ለርኤናሁ እሰተሸሃድ ቅያደት፡ ምሰል ዕልብ ዴሽ ሸዐቢ እተ ወቅት ለሀ ዶል እንርእዩ ብዞሕ ቲ። ለሰብ ህዬ “ለእት ቀደም እንዴ ገአክ ምራሕ” ለልብል ፍክር ዴሽ ሸዐቢ ቲ። ለፍክር ራቴፅ ወእግል ዲመ ለከድም ሰበት ገብእ ህዬ፡ ህቶም አሰተሸሀደው፡ እትኢኮን ኣላፍ እሎም ለመሰሎ ምናድሊን አውረሰው ወሐድገው።

ሚርሐት ሐርብ ዴሽ ሸዐቢ ለገበይ ንዳል እብ አወል እብ ነፍሶም ሰበት ጌሰው ለአሰርም መጽአ አጅያልመ ለናየም እግል ልንሳእ ኢተአገመ።

እሊ ታርፊሆም ላቲ ምስትንክር ፍክር ወሐጠር ህዬ፡ ሐቆ ሕርየትመ እት ጃል ሕርየት ላቲ ዋርሳይ እንዴ ተዐደ፡ ዐጃይብ እት ሸቄ ልትረከብ። ከሻብ የም፡ ታርፊ አበውነ ወአብዕታትን ለምህም ወቃሊ ታኣሪክነ ሰበት ገብእ ንውረሱ፡ ወመርበይን እግል ልርታዕ ወነአምሩ ህዬ፡ ንክደም እቡ።

ምን አጅል እት ሐንቲሁ ለህለው ምናድሊን እብ ቀደምም እንዴ ገአ፡ ቀናብል እደይ እት ለክፍ ወእብ ከላሺን እት ልትሐረብ፡ ለወጅሆም ሚርሓይ ለረአው ነአይሽ

ሐዘን ወግርመት

ኬትባይ = ያሱናሪ
ተርጅመት = የሰዓት እድረ ሰዓት

25ኛ ክፍል

መናገር ናይ እበን

አቶኩ ተወዳጅ፡ ካይኩ፡ እለ እለ ትብሉ ህሌኪ ህግዩ ናይ አማካኝተ?

- ምን ክሉ ቀልብዬ እብላ ህሌኩ።

- ላኪን ሐቲ አማን እግል አሰለኩ። ካይኩ፡ እንቲ ዐባይ ናይ ረሰም መውሀበት ህሌት እትኩ። ወእብ አማን ምን አሰክ እለ ለረሰምኪ ህን ሓጃት ብዙሓት ለሌሎታት ወለአትወጃኩ ርሱማት ብዲባን።

- ክመ ረሰም ናይሉ አጀኒት ለነኣይሽ፡ ንኢሽመ እት አኩ ለአነ እረሰምን ርሱማት ዲብላ ሐጃት ለሌሎታት ለአትህንጠዋጡ ለን ዐለው።

- እንቲ ለትሸቅዩን ሓጃት፡ ምን አነ ለእሸቅዩን ሓጃት ወለዐል አሳላት ወዲማት ብዲባን። አሰክ ሐት ሐቲ ዶል ለሐሰደኪ እቲ እዋንመ ህሌ። አዜ እለ ናይ መግለል ለመሰል ሀገጊት ኬን ቤሉ ምንኩ።

- ሰኒ፡ አሰክ እት ቅሩብኪ ህሌት ዐደድ ሐሰቼ እግል እትጸገም ቲ። እለ እንዲ አዘምን ምን ከእብ ብዕድ ሓጃት ምን ከህድግ ሚመሰለኪ አቲኩ?

- ሰኒ ፈሀምኪ ማሚ?
- አይወ (ካይኩ ረአሰ ክክነት) የአዘምኪ ምንዬ ምን ገብእ።

አቶኩ ሐፍን እት እንተ ክምእነ በልሰት።

- እለ ላተ እብ መሃይ እወድየ? ላኪን ወላ ህታመ ዲብ እንተ።

- ሚ ትበይ?
- እሲት እግል ትትህዲ ወአጀኒት እግል ትውላድ ህለ ዲባ።

- ካይኩ ሰሓቅ ጥሉቅ ትሰሐቅት።

- እለዲ እግልዬ ቀሊል ጋር ቲ።

- ሳምሐኒ፡ እለ ኩሉ እብ ሰብብዬ ቲ።

አቶኩ ገጸ ሐር ትወለበት ከረአሰ አድነት። ምን ዕጩት ቀዋፊት ነትፈት። ትም ዋድየት እት እንተ፡ እግል መደቲት ሄረረት።

- አቶኩ፡ አንሰ ለለአርሐመ መክሉቃት ተን። አርት መንደላይ ሐራም እቲተ ኢኮን እብ ሻም ዕምረ ሰሰ ሰነት ለትበጽሕ እሲት እግል ልትጸበዋ! ላኪን ወሌተት ሸንብሬቦት እት ክምሰል እለ ለመሰል ሸረክ እብ ቀሊል ትትከሬ ዲባ። እብ አማን እትሃጌ ህሌኩ። ምን መሰለሐት በሰ እንዲ ትበገሰት እንዲ ኢገብእ፡ እብ ናይ አማን ሻም ናይ ወድ ሰሰ አው ሕምሰ ሰኖታት እናሰ እግል ትትጸበዋ ትቀድር። እለ አማን ትመሰለኪ ይህሌት አቲኩ?

አቶኩ እለ እት ሕሳብ ትታክዩ ለይዐለት ሱኣል እለ ሚ ክምትበልሰ

እቲ ትቀወ ዲባ።

- አሰይድ ኡኪ ላቲ፡ ግድም እለ ሓድግ ህለ አለቡ። ግንዩት እመሰል እቲ እምበል ሚኢሊህሌ!

አቶኩ ለገጸ ሐቲ ወቅት እት እንቲ ትሰውሱ።

- እለ በሰ ኢኮን እግል እድገመ እኪ ሐዜ ለህሌኩ። ለዶል ለተማም ርሸመትሉ ፍዕልነ በጸሕናሃተ፡ እምበል ቀልብዬ ሰምኪ አድሃኩ። እተ ዶል ለህይ ለሐላቲ በጥረት ወእግል ልዋሰል ኢቀድረ! ለአማን ላኪን እለ እብ ሰብብኪ ክም ሀዩኔኒ ቲ ለልትሐሰብ!

ለገጸ አቶኩ አዜመ ሰኒ ወአማን ትሰውደ። ወለ ሸረቢተ አሕድ ካምህ ለህለ መሰለ ዲባ። እት ደንገበ ክምእነ እት ትብል ትሰላሰት።

- እለ ዲብ አኖሺማ ለሐሰላ ቲ?

- አይወ።

ወለ ዐደድሉ እለ ፈቲኪ ፍተይዩ፡ አሰክ እለ ጀነ እግል ትውላዲ ምን ኢቀደርኪ። ወሐቀ እላመ ኢትቀድሪ! እግልዬ ላኪን፡ እለ ቀሊል ጋር ቲ። ወእለ ህዩ እንቲ ክም ወለድኪህ ምን ልትሐሰብ።

- ካይኩ።
ሐቀ እለ አቶኩ ዲብላ አፊት ፈግረት ወእግል ሐሸራትሉ “ሐባሕብ” ምሉእ ለዐለ ቀፊሰ እበ ዕቅብ ሸንክትሉ ጅኔነት ረድሀቲ።

እተ ወቅት ኖሱ ለአቶኩ እግል ቀፊሰሉ ሐሸራት እንዲ ረድሀት እተ ቀበትሉ ሰዐር ለትከወ ዲባ። ለሐሸራትሉ ሐባሕብ በርሀት ከፊፊቲት ወደዩ። ወለ ሰመ ናይሉ አምዕለ ሐጋይ ለረዶም ለህ እብ አጸብጥ ትገልበበት። ወገሚታይ ሐዋን ዲብላ ጅኔነት ዐሸለ። ለምድር ላኪን አሰክ እለ ክመ እተ አደሐ ባርህ ዐለ። ወለ ሐሸራትሉ ሐባሕብ ክምሰልሁ ለትመሰል በርሀት እግል ለአፍግረ መሰተሐል መሰል ዐለ። አቶኩ ትትሐለም ዐለት ገቢእ? እተ ክልኦት ዕቅብ ዲብ ተክል እሰፍት እት እንተ እግል ቀፊሰሉ ሐባሕብ ለእተ ሰዐር ብሉሰ ዐለ ተአቀምት ዐለት።

ካይኩ ግድም ምን ብክዩ በጥረት። ትንፋሰ እት ተሕበዕ እብ ዕን ሰርቅ እግል አቶኩ ተማም ፈጥነተ። ለጽፍዐት አቶኩ እግል ትድሐን ምን ኢጀረበት። ዲብላ ፈርሸት ባርከት እት እንተ፡ ዲባ እዲህ ማነ እትንክብት ዐለት ወሐቲመ ሐረከት እንዲ ኢትወዲ እበ አካነተ ጸንሐት። ለጽንዒነ አቶኩ እበ አካነ ዲብላ ገርብላ ወለት ለሐፍን ለተዐደ መሰል ዐለ።

አምዮ ክምእነ ትቤ፡ አላህ! አልሰይደ አዋዮ፡ አቅበልኪ? እግል ትትሐጸቢ ለማይ እዱሉቲ እኪ ህሌኩ።

- ሰኒ፡ ሐምዲ ትብጸሐኪ።

ለክርንተ እብ ሐላት ትፈግር ዐለት። ለኪጥኖህ ለእበ ልህበት ጅልጉድ ዐለ እተ ገርብ እንዲ ለዋእ እት ለሓምጠ ትሸዕር እቡ ዐለት። ላመ ነሐረ ለህበት ብርደት ትጀሌሕ እቲ ዐለት።

- ለምድር ዐደድ እለ ሐፋነት አለቡ ዲባ። ምናተ ሰኒ ክቡድ ህለ ረቢ ወዲነ ዲባ እለ ረጠብት። ወቅትሉ ደላይም አሰክ እለ ሐልፍ የህለ መሰለኒ። ምን ሐዲሰ እግል ለአቅብል ገብእ ሐዜ።

አቶኩ አዜመ አሰክ አምዮ እንዲ ኢተአቀምት። እግል ሐማም ለእሉ አዳሌኪ እግልዬ ሐምዲ ትብጸሐኪ ደግመተ።

አምዮ ዲብላ መዕበድ ለህለ አሸቃላት ኩሉ ትሸቁ፡ ወእት ረአሰ እግል አቶኩም ገሌ ተግውነ ዐለት። ለቤት እበ ተአህተሚ፡ በሌላት ትሐጽብ፡ አግርበት ተአትናዝፍ፡ ለመትበክ ትረትብ ወሐት ሐቲመ መረት ነብረ ትሸቁ ዐለት። አቶኩም ሸቅል ነብረ ተአቤ የዐለት። ግሩም ሌጠ ትሸቁ። ምናተ

አቶኩ ሐላት ለእበ ትትፋረደ ሰለነት። ላመ ዐረብየትሉ ተክሲ እተ ቀደምላ ቤተን ሰበት በጽሐት ከሬተን።

- የምክን አነ ለደሐንቲ እቡ ሰብብ እለመ ገብእ ኢኮን።

- ካይኩ ለዘዐት አቶኩ ልበ ክም አበዩ እግል ትሕበዐ ኢቀድረት። ክምእነ እት ትብል ትሰላሰት።

- አቶኩ፡ እለ ጀነ እለ ጀላብኪ ምን ዐምሱ ሚቲ ረአይኪ?

- ፈጅአተን አቶኩ እግል ሸንብሬቦት ከፈት እበ በቅነተ። ወዕንታተ አናብዕ ደረ። ካይኩ ህዩ ክምእነ ትቤ።

- ግሩም! ካይኩ አሰክ እለ ዛብጠኒ! ዛብጠኒ አሰክ እለ ወሰኪኒ አዜመ!

አቶኩ ለገርብ ለአርዐዲ ዐለ ወእት ተሐሸክሸክ ክምእነ ትቤ።

- ካይኩ፡ አዜ አፍኪ ትጽብጠ ሚኢፋልኪ?

- ህቲ ወልዬ እግል እውደዩ ኢኮን። ወልኪ እግል ልግበእ ቲ ለሓሰብቲ ህሌኩ። ወዕምሰናሁ ህዩ ዲብዬ ቲ። ሐር ላኪን እግልኪ እግል ሀቡቲ። እት ጀላብኪ ምን አልሰይድ አኪ እግል እሰረቁ ቲ።

- አዲይመ አቶኩ ምን ሐዲሰ እብ ኩሉ ሐላተ ጸፍዐተ። ካይኩ እብ ብክይ እት ነሰቅ አሰተብዳት።

- አቶኩ፡ እንቲ እግል አኪ

ወለ ዐደድሉ እለ ፈቲኪ ፍተይዩ፡ አሰክ እለ ጀነ እግል ትውላዲ ምን ኢቀደርኪ። ወሐቀ እላመ ኢትቀድሪ! እግልዬ ላኪን፡ እለ ቀሊል ጋር ቲ። ወእለ ህዩ እንቲ ክም ወለድኪህ ምን ልትሐሰብ።

- ካይኩ።
ሐቀ እለ አቶኩ ዲብላ አፊት ፈግረት ወእግል ሐሸራትሉ “ሐባሕብ” ምሉእ ለዐለ ቀፊሰ እበ ዕቅብ ሸንክትሉ ጅኔነት ረድሀቲ።

እተ ወቅት ኖሱ ለአቶኩ እግል ቀፊሰሉ ሐሸራት እንዲ ረድሀት እተ ቀበትሉ ሰዐር ለትከወ ዲባ። ለሐሸራትሉ ሐባሕብ በርሀት ከፊፊቲት ወደዩ። ወለ ሰመ ናይሉ አምዕለ ሐጋይ ለረዶም ለህ እብ አጸብጥ ትገልበበት። ወገሚታይ ሐዋን ዲብላ ጅኔነት ዐሸለ። ለምድር ላኪን አሰክ እለ ክመ እተ አደሐ ባርህ ዐለ። ወለ ሐሸራትሉ ሐባሕብ ክምሰልሁ ለትመሰል በርሀት እግል ለአፍግረ መሰተሐል መሰል ዐለ። አቶኩ ትትሐለም ዐለት ገቢእ? እተ ክልኦት ዕቅብ ዲብ ተክል እሰፍት እት እንተ እግል ቀፊሰሉ ሐባሕብ ለእተ ሰዐር ብሉሰ ዐለ ተአቀምት ዐለት።

ካይኩ ግድም ምን ብክዩ በጥረት። ትንፋሰ እት ተሕበዕ እብ ዕን ሰርቅ እግል አቶኩ ተማም ፈጥነተ። ለጽፍዐት አቶኩ እግል ትድሐን ምን ኢጀረበት። ዲብላ ፈርሸት ባርከት እት እንተ፡ ዲባ እዲህ ማነ እትንክብት ዐለት ወሐቲመ ሐረከት እንዲ ኢትወዲ እበ አካነተ ጸንሐት። ለጽንዒነ አቶኩ እበ አካነ ዲብላ ገርብላ ወለት ለሐፍን ለተዐደ መሰል ዐለ።

ልባብ

ብርቱካን ምን ቲፋሕ እብ ሚ ገብእ ልትፈንቲ?

ለእስታዘት እግል ደረሳይ አወላይ ፈሰል ለዐለ ጀኔታይ ክም እለ እት ትብል ትሰላሰቲ። አነ ሐቲ ቲፋሕት እንዲ ሀብኩ። ሐቲ ምን እደግመክ ወአሰራመ ሐቲ ምን እወሰከኩ። ምስልክ ለህለዩ ቲፋሕት ዕልበን ከም ገብእ?

ለደረሳይ እብ ደማነት ነፍሱ አርበዕ ትፋሕት ገብእ እት ልብል በሊሰ ሀቤ። ለመቀመጫ ለደረሳይ ምን አመረ የምክን ሰኒ ኢሰምዐዩ ገብእ ሰበት መሰለዩ ለሰአል ምን ሐዲሰ ደግመቲ እሉ። ለጀኔታይ እግል መደቲት ሐሰበ ወበሊሰ ብዕድ እግል ልርኩብ እበ አጩብንቲ ነኣይሽ እት ለዐልብ አንበተ። ምናተ እምበል በሊሰ ለቀዳም ብዕድ ኢረከበ። ከውተአተእ እት ልብል እለ መረት እላመ አርበዕ። ለልብል በሊሰ ሀቤ።

ገጽላ አሰታዘት አሻይር በቲክ ሰእየት ትረኣ ዲባ። ምናተ ኢጸብረት።

ለሕጻን ብርቱካን ክም ፈቲ ተአምር ሰበት ዐለት። እለ መረት እለ እብ ብርቱካን ትሰላሰቲ። ከክም እለ ትቤ።

ብርቱካነት እንዲ ሀብኩ። ከክልኣይት እንዲ ወሰከክ ሓሪት ምን እደግመክ ለምስልክ ህለዩ ብርቱካን ከም ገብእ?

ለጀኔታይ ወቅት እንዲ ኢላኦቤ ሰለሰ ብርቱካነት ገብእ እት ልብል በልሰ።

ለኡሰታዘት እለ ሰበት አትናየተዩ እብ ሐዲሰ ምን ቲፋሕት ትሰላሰቲ። ህቲመ ክመ እተ በዲሩ አርበዕ ቲፋሕት። እት ልብል በልሰ እለ።

እለ ክም ሰምዐት ሰኒ ሐርቀት ወክም እለ እት ትብል ተሀራሀራቲ። ፍንጌል ቲፋሕት ወለ ብርቱካናት ሚ ፍንጌት ሰበት ረከብኩት?

ለጀኔታይ ለክርንቲ እብ ፈርሀት እት ተአርዐዲ። ዲብላ ቦርሰቼ ምስልዬ ሐቲ ትፋሕት ሰበት ዐለት ቲ። ቤለዩ።

ምር እንተ ሕሳብኪ ለይኣቲካህ አውመ ትታክዩ ለይዐልክ በሊሰ ዶል ለህይወቲ። ለበሊሰ ከለዋ ህለ እንዲ ትቤ ኢትሕክም እቲ። ምን አመረ እንተ እት ወግም ለይኣቲካህ ጀዋንብ ሰበት ኢልትሐገል። ወእግል ትፍሀም ሰኒ ልብ እንዲ ከሬክ እግል ትሰመዕ ለአሰትህል። ወእንተ እብ ኖሰክ ለአዳሌካህ ፍክረት አው በሊሰ እት ረአሰክ እንዲ አዳሌክ ኢተአተንሴ።



ተበሰም



ሐቲ እሲት እግል ብእሰ፡ መሀህይ ሚ ጀሬት እትክ አፎ ክም እለ ትሻቀልክ ቲላቲ። ህቲ ህዩ፡ ዲብላ ሸረከቼ ገሌ መሻክል ህሌ፡ እግልዬ አዜ እብ ሰበቡ ምስልዬ ውጀዕ ረአሰ እግል ትውደይ የሐዜኮኪ ቤለዩ። ህተ ህዩ፡ ሕልብዬ አናዲ ክምሰልህ ኢቲበል። ሕነ ክልኡትካ ሐቲ ሕነ ማሚ? አፎቲ ሸረከቼ ትቤ። ሸረከትኩ፡ ዐረብየትኩ፡ ቤትካ በል ድራርቤ ቲላቲ። ህቲ ህዩ፡ ከክላሰ እለ ምን ገብእ ለሰክርቲረትካ ለዲብላ ሸረከትካ ህሌት ምን ግምላት ህሌት ቤለዩ።

ዲብላ ረሰም ሰበት ተአንተቢህ ዐለት። ለክሸነት ትግዩ ምን ዐለት። እብ እለ ሰብብቲ ካይኩ ህዩ ክመ አደበ የዐለት። ገሌ ፍንጌታይ ናይ ክዮቶ ነበሪት ወለዘት ጥዕም ለበን እት አዳለዮት ምን ቅደሰ ወለዐል መውሀብት ዐለት። ምናተ ግራክ ለተሐድግ እለ የዐለት። እብ እለ ሰብብቲ ለክልኡ እሲት መብሐቲ እዋናት፡ እበ አምዮ ዲብ እዋን ፍጡር ወድራር ለትሸቅዩ እለን ሐዋንተት ነብረ ልውዕለ ወልትመዩዩ ዐለዩ።



ዓዳቱ ለይአከቦ፣ ረአሱ ኢትሪክቦ (1^ይ ክፋል)



እስታዝ መሐመድ ሰዒድ ዑሰማን

ሕሰር ዓዳት ጀብሀት ሸዕብየት እግል ዲሞቅራሲያዊት ወወዳለት ኩባቤ እንዴ ረክበት፡፡ በሀል ነባሪ ጀድወሉ እግል ልትጸበጥ እሱ ክም ቀድረ ሐበረ፡፡ እተ ሰልፍ አውካድ አቃሊም አዳመን ሌጠ ልልእክ ክም ዐለዩ፡ ሐር ላኪን ኖሰን እግል ልሻርክ እቱ ወድራሳት እንዴ ወድዮ እግል ልረዝቃሁ ክም አንበተዮ ወእሊ እግል መሀረጃን ጀላል ወእግለ እተ መጃል ለሸቁ መትመራምረት ምህር ወእግል ወላእል እዕላም ዓማት ዓዳት አሰል እግል ልግበእ ክም ቀድረ ሸርሐ፡፡

በሀል ነባሪ እብ ድግም፡ እብ ቀኑ፡ እብ ሸክል ተምሲል፡ ትልህዮ፡ ጅግረ ወለመሰሉ ጋራት ፈን ክም ቀርብ እት ወዴሕ ህዬ፡ ገሌ አምላል ምን እብ ሕላይ ለቀርብ በሀል ሀድገ፡፡ ጀበነት ምን አግደ ተጀምሶ ወመትሐላሰፊት በሀል ነባሪ ክምተ እንዴ ደግመ እግል ሼደሊ ለትሐሌት ሕላዩት አስመዑ፡፡

ሼደሊ ክሉ ሰተዮ ክእቦ ክእነ ትቦጀላት
ሼደሊ ንኡሻይ ሰተዮ ትንክለቱ

ሰታይ መሪሰት ኢኮን ለሰብአ ሕድ ጀልፍ ክም ሰክረት ሰታይ ትምባክ ኢኮን ለአፍ ዐከር ወዴ ወንሳል ልትለተት ሼደሊ መሕበርተ አዳም እተ ተአክበት፡፡

እት ገባይል ኤረትርዮ ለእብ አፍ ለሐልፍ ነባሪ ምን ምዕል ተውሊደት ለአክብት፡፡ ዋልዳይት እግል ወላደ አንስ ልግበእ ወተብዐት ግርመት፡ አድብ፡ ዕሸረት፡ ፈራሰት . . . ለመሰል ሕላይ እት ተሐሌ እሉቱ ለለዐቤ፡፡ እግል ልትለወቅ እት ተአሳርሮ ተሐሌ እሉ፡ ምን በኬ እብ ሕላይ ተአዝዞ፡ ምን ልትሀርገት እብ ሕላይ ተአሰክቦ፡ ምን ልትለእክ እብ ሕላይ ተሐምዶ፡፡

እስታዝ መሐመድ ሰዒድ እተ ወረቀቱ ክም መሰል እም እግል ወልደ ወወለተ ለትብለን አብያት ሸ ዐክረ፡፡ ወክእነ ቤል፡፡

የሀይ ወዕንጃረ የሀይ ወዕንጃረ እት እንስ ግርሰ ወእት አሐ ግላ
ሶሚት እብ አሰራረ እለ ራሪት አባዩ በኬ

እነ፡ እሉም ዐባዩ ዐድ ወዕንጃረ ሀበውኩም ምንገብእ ለሀብኩም ወአናመ ህቶም ሐቆ ሀበውኩም ይእከልእኩም” ቤለዮም ወመሕበር ዐገለ እሉም፡፡ ወሐር እግል ወድ-ከሮፍ ለልትበሀል እናስ ሐልያይ “እንዴ እሉም ሐውከ ብለስ እቶም” ቤለዮ፡፡ ወድ ከሮፍ ህዬ እብ ሕላይ ለእሙር እት ኔግሮም ክእነ ቤለዮም፡፡

እለ ነቅፈ ሐመልማል ኢነህይብ እብ ሀቦ
ነቅፈ ሐመልማል ፍንጌ ሕምብርተ ወከቦ አዩ ሓጥር ልብለ ምን ክትፈትጅ ግረቦ ወአዩ ጸጋይ ልብለ ምስል እሲትጅ ስከቦ እለ ነቅፈ ሐመልማል ኢትትህዮብ እብ ሀቦ፡፡

እለ ክም ቤለ እሉም ዐድ ተክሌሱ፡ ለበሊስ እባህ ዋዴሕ ክም ጸሓይ አደሐ ገብእ እሉም፡፡ ግረ እለ ህግዩ እለ ሰብብ ክም ሀለ ህዬ እንዴ አመረው ምስል ሐምም

ዓዳት ዕላመት ወቃትን መንበር ናይ ምር ሙጅተመዕቱ፡፡ በሀል ነባሪ ህዬ አሳስ ናይ ክሉ ለልትረኤ ወኢልትረኤ ዓዳት ቅዩም ወሰዋልፍ ሙጅተመዕቱ፡፡ ሕላዩ ወብክዩ፡ ነብራሁ ወጽዋሩ፡ ግድሉሁ ወልባሱ፡ ፈረሐ ወክረሁ፡ ወራቱ፡ ጥበቡ ወምህሁ ክሉ ምን በሀል ነባሪ አው ምን እብ አፍ እት ልትደገም ለነብር ወምን ወሉድ እት ዋልዴ ለልሐልፍ እዴ ለትሸቅዮ፡ ሐንገል ለሰጅሉ፡ እት መንፈስ ለሰብቀ መፍሀማት፡ ፈልሰፈት፡ እምኖታት ክሉ አግማም ቀዳም እት አግማም ሓር እብ አፋሁ እት ለሓልፎ ነብር ለዐለ ወለሀላቱ፡፡ ክል ወክድ እብ ወክደ ገሌ ለልትወሰክ፡ ገሌ ምን ብዕድ ለልትአቱ ወገሌመ እት ብዕድ ገባይል ለገይሰ ወለልትለአም ቱ፡፡ ከለበሀል ነባሪ፡ ሀውዮት፡ ወጠንዮት፡ ሐበን ወፋሽ ክሉ ዲቡ ሀለ፡፡ እሉ ለአብደ ገባይል ህዬ ረአሱ ክም በዳቱ ለልትአመን ወእተ ለተንከብ ታክያትመ አለቡ ወእቦ ሸንን ሀውዮት፡፡

ንዳል ኤረትርዮ ወእብ ፍንቱይ ጀብሀት ሸዕብየት በሀል ነባሪ ኤረትርዮ እግል ልትሐፈዝ ብዘኸ

ካድም ወዴት፡፡ ወእግል ልትሐፈዝ ለቀድራመ ሐድ ኢኮን፡፡ ሐቆ ሕርየት ወብረት ተዕለም ምን 2002 እንዴ አንበተት ድራሳት ትወዴ ህሌት፡ እት አሸግር፡ አላት ሙሲቀት ወለትፈናተ መትሻቀዩ ለአተርገዝ እብ ሐምስ ህግዩ ኤረትርዮ መሀረጃን ኤረትርዮ ለትዳለ አክትብት እግል ልትጠበመ እት መዳላይ ህሌት፡፡ ክል ሰነት እት ሐረት ኤክስፖ እግል ልግበእ ምን አንበታመ፡ ለመጃል ምን ወክድ እት ወክድ ሕሰር እት ረክብ ጌሰ፡፡ እት መሀረጃን ሰነት ዮም ዓመት - 2024 ወዝክረት 50 ሰነት መሀረጃን ቦሎኛ ዶር በሀል ነባሪ ዲብ መሀረጃን ኤረትርዮ እብ ልብል አርእስ እብ እስታዝ መሐመድ ሰዒድ ዑሰማን ወረቀት ሕፍዝ ቅድምት ዐለት፡፡ እስታዝ መሐመድ ሰዒድ በሀል ነባሪ ምን ተክዩ በራምጅ መሀረጃናትን ክምቱ ሐቆለ ሸርሐ፡ በሀል ነባሪ ክም በርናመጅ እብ ርቱብ እግል ልቅረብ ለአንበተ ምን ሰነት 2004 ክምቱ ሐበረ፡፡ ለፍክረት ምን ፈናን ወሳሕሬ ሸሂድ መኮንን ኪዳኔ (ሻባይ) እንዴ ትበገሰት፡ እብ




አፈግረት ሼደሊ አንስ ሰተዮ ተ'ኬት ሰቡት እት ተነት ሼደሊ ደንግል ሰተዮ እምበል ፈጥን ወተረት፡፡ ሰታይ ትጃርተ ዴዋን እተ ልትሐሬ ሰታይ ፈቀረራተ ኢለአብወ እብ መረት

ምን ብክዩ ሕላዩ እንፈቱ ወራሪት ከቦህ ድቤሪት ምን ሰናተ ሕሪት ሀብት ወሀበት ክራት፡፡ እም እግል ወልደ (ሕጻንመ) ክእነ እት ትብ ተሐልዩ፡፡ እሊ ሐመድ አባዩ በኬ ምን ብክዩ ሕላዩ እንፈቱ ሐመድ እሊ ሐመድ ሰኒ ልሕሉብ ወልዲረኒ ወአክያሩ ለሀበኒ *****

በልዐው ወሰተው ወእብ ሰላሙቶም ዐደም አቅበለው፡፡

እለ መሰል ለትአፍህመና ተ ምን ተሀሌ፡ አዳም ምድሩ ልከልል ወልደብ ክምለ ሓለት ጀወ፡ ትርብቱ፡ መካሪቱ ወመሳክቡ እት ልትአቅለም ምስሉ እግል ልንበሩ ክም ቡ፡ ወእቦ ምር እንክርመ ለጸጋይ እለ ትጸገ ምን ልትጸጌ መስከቡ ወምድሩ እግል ገቢል ቅሩብ ወጋን እግል ልትባልሐ ክም አለቡ፡ እብ ሕላይ ሐቆ በልሰው ዲብካመ ህዬ፡ እንታመ እብ ዐገል ወቅባለ ትበልስ ቱ ወሸረፍክ ትጸብጥ፡፡ ዐድ ተክሌት ወሐባብ ሐው ምንመ ገብኤ፡ ሰብ ቀላቅል ወአውለት ቶም፡፡ ቀላቅል ህዬ ምንመ ለሐፍን ወእግል ሐርስ ኢልትወጠ፡ መስከብ ንዋይ ድኑሰ ወንኢሽ እግረ ወዐባይ ምን ተዋብ ለነብራሁ ምድር ሰዐር፡ ማይ፡ ሐሊብ ወሐሳስ ክም ቱ ወርዝቅ ህዬ እት በራድ ወዲብ ሐርስ ሌጠ ክም ይሀለ እለ ድግም ክልኦት ሐው ተአሰብት እግልኩ፡፡





በሐር ቀየሕ ጅግል 12^{ይት} ልጅ ጉብኝ ጥቅም ላይ የዋለውን ጉብኝ

ለዐቢ ፈሪቅ አቅሊም ምግብ ላቲ በሐር ቀየሕ፣ ለሐልፈት ሰንበት ዐባይ እግረ አግደ መትገራቱ ፈሪቅ ደንደን እንደ ቀልቤ፣ እግል 12ይት ኢንቲ ሻምፕዮን ኮብሪት እግር ጉብኝ።

በሐር ቀየሕ፣ ቀደም ሰለሰ ትልቅ ተግባር ሻምፕዮን ሱፐር ዲቪዥን 'ኤ' አቅሊም ምግብ ክም ቱ እኩድ ምንም ለዐሌ፣ እንደ ኢልትቀላብ ገይሱ ለዐል ሄራር እግል ልዕቀብ ላኪን፣ እትላ ትልቅ እብ ሐዱ አክል-ሕድ እግል ልፍገር ዐለ እሉ። እብ ድዱ ናይ ደግም ሕሸመቱ እግል ለሐዋዋ ለኢቀድረ ደንደን፣ ፈሪቅ በሐር-ቀየሕ እግል ለአጅጌሕ ሳትት እት እንቱ ለአተ።

እቲ ሐልፈቶ ክልኤ ሰነት እዴ ዛይደት ለዐለት እሉ ፈሪቅ ደንደን፣ እትላ ትልቅ ስትት እሰልፍ ጎል እንደ ኣተ ሚርሒት ተአልበጠ። መሃጅም ፈሪቅ ደንደን አሚር መርሃዊ፣ አከይ-መፋ-ሀመት መተልሀይ ውሓርሰ በሐር ቀየሕ እንደ አንተሀዛ ቱ፣ እግል ዕርፍ እብ ሚርሒት ክም ፈግር ለአተቅደረፍም ጎል ለአተ።



ተአሚናት ፍትሓዊት ማጆር ለሐሰት መተልሀይት

እት ካልኣይ ሾት ትልቅ ላኪን፣ እትላ ምውሰም እብ ደንደን እንደ ትቀለበ ክልኤ ዶል ካሰ ለትዝዐ ምኑ በሐር ቀየሕ፣ እትላ ሳልሰ ኢንት እብ ቀላል ኢጅግሐ። እብ ጀሀት ድግለብ እት ለሃጅም ፍንቲት መቅደረቱ እት ለአርኤ እግል መዳፍዐት ደንደን ጨዳቂት ረአሰ ጋብእ እቶም ለአምሰ ዳሸን ግብጻዊ፣ ጎል እንደ ኣተ ትልቅ ክም ትትግደል ወደዮ።

ትልቅ ለሐደ ደቃይቀ ክም ተርፈ ህዬ፣ መተልሀይ በሐር ቀየሕ ኤሰርም ረዘ። ምን ረዩም ለመጽኣቱ ኮብሪት ዝብጠት ጀዘ። እብ ረአሰ እት ሸግዲት ሓበረዮ። ወእብሊ ምን ግሪ ለትባሰ ፈሪቅ በሐር ቀየሕ 2-1 ተዐወተ። ናይላ ሐልፈቶ ክልኤ ሰነት ሚርሒት ደንደን ህዬ ካቲመት ቅልብ እንደ አልበቤ፣ ፈሪቅ በሐር ቀየሕ ዮም ዓመት እንደ ኢልትቀላብ ናይ ሰነት 2023/24 ሻምፕዮን ሱፐር ዲቪዥን አቅሊም ምግብ ጋብእ ሀለ። ካሰ ዐቢ ወ40 አልፍ ነቅፈ ጃእዘት ህዬ ነሰኣ።

እሊ ፈሪቅ 52 ንቅጠት እንደ

ረክበ ሰበት ኣትመጠ። ለበዝሐ ንቀጥ እንደ አከአለላ ሻምፕዮን አወላይ ዲቪዥን 'ኤ' አቅሊም ምግብ ለጉብኝ ፈሪቅ ጋብእ ሀለ። እብ ዓመት ሐቆ ሕርየት እግል 12 ምውሰም ሻምፕዮን ክም ነሰኣ ህዬ ወሳይቅለ ጅግሪ ለአክድ። መተልሀይ በሐር ቀየሕ መድሃኔ ረዳኢ ህዬ፣ ናይ እለ ትልቅ ለሐሰ መተልሀይ ተሐረ።

በሐር ቀየሕ እግል ልትክል ለኢደቅበ ፈሪቅ ደንደን፣ ለናይ ደግም ሕሸመቱ እግል ልዕቀብ ምንም ኢቀድረ፣ እትላ ሰነት እግል በሐር ቀየሕ እንደ ቀልብ ካሰ ሕርየት ወሻምፕዮን ኤሪትሮፕ 2024 ናሰእ ሰበት ዐሌ፣ መጃገሪቱ እት ኣካነ ህሌት እግል ልትብሀል ቀድር። ለሐልፈቶ ክልኤ ሰነት ደርብ ሕድ ህዬ ደንደን እግል በሐር ቀየሕ እት ቀልብ ጸንሐን ቱ። መዳልየት ወርቅ ወ30 አልፍ ነቅፈ ህዬ ክሰበ። ሳልሳይ ለፈግሪ ፈሪቅ አሰመሪ ቢራ 20 አልፍ ነቅፈ ወመዳልየት ነሓሰ ናሰእ ሀለ።

እምበል እሊመ፣ ሰምሰማን ጎል ለአተው ቢንያም ግርማይ ምን ደንደን፣ አቤል ወልዴዬሱሰ ምን አሰመሪ ቢራ፣ ክምሰልሀ-መ ሚርን ዐንዶም ምን አልተሕርር፣ ለበዝሐ አግዋል ለአተው እንደ ጉብኣው፣ መዳልየት ደሀብ ወ1,500 ነቅፈ ነሰኣው። ፈሪቅ ጎዳይፍ ህዬ፣ ናይ አደብ ካሰ ነሰኣ።

እለ ትልቅ ለሐሰት ሐረክት ወክሰትት ትልቅ ክም ትረኤት ዲበ ልትቀየም። እብ ሰብብ ገሌ አክጠእ ላኪን ትልቅ ዶልክ ምን በጠር ይግረፈት። እብ ፍንቲት ካልኣይ ጎል በሐር ቀየሕ ዶል ኣተ ለትረኤት ረብሸት፣ እግል ገሌ መተልሀይት አረይ ክሩት ቀዬሕ ወድግከ ወዴቶም።

እምበልሀ-መ መተልሀይ በሐር ቀየሕ ዶል ትዘበጠ ወሰዳይት ሕክምን እቲ ኣትሐይቱ ዲቡ ወቅት፣ እብ ነጋለት ለረድእዉ ሰብ መቅደረት እንደ ተሐገለው፣ ነኣይሸ ኩረት ለልኣትካብቶ አጀኒት እብ ነጋለት ረድእዉ ዶል ትርኤ፣ እት ክእነ ትልቅ ዐባይ እግል ልግበእ ለወጅቡ መትደጋግ ወመዳሊት እት ኣካነ ክም ይዐለ ልትረኤከ።

ደንደን፣ እብ ውላድ ለሐግለዩ በክት እብ አዋልድ... እት ነፍሰ ሰንበት ዐባይ ፍሪቅ አዋልድ ይተአሚናት ወደንደን ናይ ደንገበ ትልቅምን ዋድያት ዐለዩ። አክል ሕድ ምን ፈግራመ ካሰ እግል ልንሰእ ለዐለት እለን አዋልድ ደንደን፣ እት 13ይት ደቂቀብ እብ ሳራ ዮውሃንሰ ጎል ሰበት ኣተዮ፣ እግል ዕርፍ 1-0 ፈግረዮ።

አዋልድ በሐር ቀየሕ፣ ኢትቀደረዮ። ሐቆ ዕርፍመ ዲብ 58' ወ90 ደቂቀት እብ ፍቃዱ ገዳሙ ወሄለን ሚካኤል ክልኣት ጎል ሕፋናም እንደ ኣተዮ 3-0 ተዐወተዮ። አዋልድ በሐር ቀየሕ ህዬ እብ 32 ንቅጠት፣ ናይ እሊ ምውሰም



በሐር ቀየሕ ውላድ እት ፈርሐት ካሰ ሻምፕዮን

ሻምፕዮን ጉብኣዮ። ደንደን እብ ውላድ ለሰኣኒዉ ዐውቱ፣ እብሊ ክል ሰነት ሻምፕዮን እት ነሰኣ ለአሰርር ለሀለ ፈሪቅ አዋልድ ረክበዉ።

ምን አዋልድ ደንደን አወላይ፣ ተአሚናት ካልኣይ ወሸርክት ሰገን ህዬ ሳልሳይት እንደ ጉብኣዮ ጀዋእዘን ነሰኣዮ።

እብ13 ጎል እትላ ምውሰም ለበዝሐ አግዋል ለኣቲት ለሐሰት መተልሀይት ምን ፈሪቅ ተአሚናት እት ከዋ ህጅም ለትተልሄ ፍትሓዊት ማጆር እት ጉብኣ፣ መዳልየት ደሀብ ትሰርጌት።



ደንደን አዋልድ ካሰ ዲብ ነሰኣ

ከበር መትባድረት ዐጀላትን እት ካርጅ * * ቢንያም፣ እት ጅግራሀ ለአቀብል * *

ኤርትራ መትባድራይ ዐጀላት ናዲ እሰታንቡል ቡዩክሰሄር - ጴጥሮስ መንግሴ ማሌ ለሀ ሰንበት ዐባይ 25 ኣጎሰት እቲ ጉብኣት ብድረ ዐጀላት ሐቲ ምዕል ሳልሳይ ደረጃት ረክበ።

እሊ 134 ኪሎምተር ለገልብብ ጅግራ፣ ወድ አውሰትራልዮ ቪክቶር ሂሮቪማ ቱ ለትዐወተ ዲቡ - እብ 3 ሳዐት፣ 10 ደቂቀት ወ36 ካልኢት። ወድ ቱርክዮ ቡራክ ኣባይ እብ 40 ካልኢት ደርቡ ኣተ። ጴጥሮስ ህዬ እብ 2 ደቂቀት ወ18 ካልኢት እንደ ደንገሪ ሳልሳይ እት ለኣቱ፣ መዳልየት ነሓሰ ራክብ ሀለ።

እምበል እሊመ፣ ወድ ፈሪቁ እግል ጴጥሮስ ናትናኤል በርሃ፣ 3 ደቂቀት ወ32 ካልኢት እንደ ደንገሪ ሓምሳይ ደረጃት ጸብጠ። ገዲም መትባድራይ ናትናኤል፣ ሰንበት ንኢሸ እት ብድረ ዐጀላት ናይ ሐቲ ምዕል ቱርክዮ፣ አወላይ እንደ ፈግሪ ዕዉት ዐለ። ወድ 22 ሰነት ለሀለ ወበዲር ዲብ ኤራቴል ልተልሄ ለዐለ ጴጥሮስ

ህዬ፣ ራብዓይት ደረጃት ኣቲ ዐለ። እሎም መትባድረት፣ ምን ቱርክዮ እንደ ኢፈግር፣ ዲብ ዮም 30 ኣጎሰት እቲ ለኣኩብት ናይ ኣርበዕ መርሐለት ጅግሪ ዐጀላት እግል ልጽመዶ ቱ። እምበልሀም፣ ኤርትራ ነፈር ናዲ ዐጀላት ኮንቲኔንታል ባይክ-ኣይድ -ዳዊት ዮሜ'መ፣ እትላ ጅግሪ ሸሩክ ክም ሀለ እኩድ ሀለ። ዳዊት እግል 39ይት ኢንቲ ዲብ ጅርመን ዲብ ጉብኣ ኣርበዕ መራሕል ለዐለዮ ዲቡ ጅግራመ፣ እት ፍሌንዮት ሐየት ሰጋደት ካልኣይ ደረጃት ራክብ ዐለ።

እት ካልኣይት መርሐለት ለትዐወተ እብ ፍሌንዮት ህዬ፣ ኣሰክ ዲብ ሳልሳይት መርሐለትመ ላብሰ ዲብ እንቱ ተዐደ። እምበል እሊመ፣ ነፈር ናዲ ኣሰታና ሄኖክ ምሉእብርሃን ዲብ እት ሃይናን ቻይነ ማሌ ለአንበተ ጅግሪ እንደ ሻረክ 108፣ ክምሰልሀ-መ መትባድረት ፈሪቅ ትራንጋት መትክል እዮብ 60 ወመርሃዊ ቅዱስ 9ይ ተርቲብ ጸብጠው። እሊ እት ቻይነ እግል 15ይት

ኢንቲ ጉብኣ ለሀለ ጅግሪ፣ ሐምሰ መርሐለት ብዲቡ። እት ዱር ፈረንሰ 2024 ታሪካይ ዐውቱ ለሰጀለ ዕዉት ፍሌንዮት ኣክደር ቢንያም ግርማይ፣ ዮም 28 ኣጎሰት እት ጅግራሀ እግል ለአቀብል ቱ። ቢንያም ሐቆ ጅግሪ ኣለምፒክሰ ፓሪስ እት ዐዱ ኤሪትሮፕ ዐሩፍ ዐለ። ቢንያም እትላ ወክድ ጎ፡ ዲበ ዐውቱታት ብዘሕ ለጃቀፈ ምን ዱለት ቤልጃም እንደ አቅበለ እግል ልተልሄ ቱ።

እግል 20 ዶላ ጉብኣ ለሀለ ጅግሪ ዐጀላት ራካዊ፣ እድንያይ ጅግሪ እት ጉብኣ፣ ሐምሰ መርሐለት ብእቱ። ዐባይ መትባድረት ዐጀላት ስሙያም ክም ያሰፐር ፍሊፕሰን፣ ማቲው ቫንደር ፖል፣ ቲም ሚርሐር፣ ጆናታን ሚላን፣ ክሪስቶፈር ላፖርት፣ ኣርናውድ ዳሌ፣ ፊል ባሃዩሱ፣ ፊልፖ ጋና፣ ሳም ቤኔት ወብዕዳም ስሙያም መትባድረት ምን ለትፈናተ እድንያይ ነዋዲ ዐጀላት እግል ልሻርኮ ምሰሉ ክም ቱ እሙር ሀለ።



ቀረፍ በናን እግል ሕርስ መንፈሳት ክም ቡት አመረ



ቀረፍ በናን እግል ንልክፍ ክም አለብኝ ምኡምረት ሕርስ ነሱሎ። መንፈሳት ሆኖ ሚተ ንርኡ።
ቀረፍ በናን ክም ሻኒ-
 ቀረፍ በናን 48 ሰዓት እት

ማይ እንዴ አሸተርክ እግል ብቀል ተአሰቲፍ ዲብ ሀሌክ ታጅር ቅዘ ለቡ ፍሬ እግል ለሀሌ እክ ደሴ።
 ርሽድ ትርበት (soil enrichment)

ቀረፍ በናን እንዴ ከተፍናሁ እት አርደት እንደፍኑ ወእሊ በሰር እሊ ለአርደት ዝያድ ክም ተጅር ወእተይ ብዙሕ ክም እንረክብ ወዴ።

አደለዮት ሸፍር

ለእሉ ተአዳሌ ሸፍር ቀረፍ በናን ዶል ተሓብር ዲቡ ውጅቡ ዝያድ ምነ ለዐለዮ ክም ወሰክ ወዴ።

4 መትኅፋዕ ሸፍር ናሸፍ

ቀረፍ በናን እንዴ አይበስካሁ ወእንዴ ደገግካሁ ተአዳላዩ ወቀደም ዝርኣት ምነ ለትዳለ ሐሪጭ እት አርደት (ጨበል) ልትፊፊ ወእሊ እትይ ሰኒ እግል ንረክብ ሰዴ።

ናይ ሰኔፍ ካሚራት ኸት ሀኪም

እሊ ካሚራት እሊ እት ዐለም አወለይት እት ገብእ እግል ሐቲ ሱረት እግል ትሰውር 8 ሰዓት ነሱ ምነ ክም ዐለ ልትዘክር። ለናይ ሰኔፍ ሱረት view from the window at le gras ክም ትትበሀል ወእት 1826 እብ ምሰውር Nicepce ለትሰውረት ክም ተ ልትሸራሕ። ገሌ አንፋር እት ልትሰውረ እግል ልሰሐቆ ሐሩ ክም ይዐለው ልትሸራሕ። ሰበቡ ሆይ ለሱረት አሰክ እት ካሚራት ትዝሀር እግል 8 ሰዓት እት ልትሰሐቆ እግል ልጽንሐ ልጀበር ሰበት ዐለው ቲ።



ጌ ምን በሀሌ ጃፓን


ዲብ ጃፓን ምነ እብ ብዙሕ ለልደጋገመ ብሂላት "ሃራሃቲቡ" እት ገብእ። ተርጀመተ ሆይ ከብድክ ምን 80 ምእታይት ወለዐል ኢትምለኣ በሀለት ቲ። እሊ። ጃፓንምደን ቀደም ወሐቆ ነብረ ብልዐቶም ለደጋጉመ ዘዐት ቲ። ቀዳምደም ጃፓንደን ከብድክ አሰክ መልእ ብልዐት እግል ዓፍዮትን ዲራይ ክምቲ ሸርሎ።

ውላድ አኪናወ ሆይ በደል ነብረ እንዴ ኡብዘሕኩ እግል ሓቀቆትሉ ነብረ ምዕደትክ ተአትዕብ። 80 ምእታይት ክም በልዐክ ነብረ እግል ተአትክርመ ክም ወጅብ መክር።

ምር ነፈር አክል ሕድ 80 ምእትይት ክም በልዐ እግል ለአምር ክቡድቲ። ላኪን ምን እሊ ብሂል እሊ ለእንደርሱ። ምር

ነፈር እት ጽጋብ ዶል በጽሕ ብላዕ እግል ለአትካርም ክም ወጅብ ቲ። ወሐቆ ጸገብክ ለእሉ እንወሰክ ሰከርያት ለትሐበረ እቲ ነበሪት ክም ከረ ፓሰቲ። ችባተ ለመሰል ነበሪት እግል ሐጨር ወቅት እግል ለአፍርሐን ቀድሮ። ላኪን ሐቆ ረዩም ወክድ ምን ንሰአቶም ኢንሰአቶም እግል ለአፍርሐናቲ።

9 ፍንጅት ሱረት ርክብ



ሐረምዝ እግል ሕድ ለልትላከው እቡ አሰማይ ክም ቦም ተአመረ

እት አፍሪቃ ለልትረከቦ ሐረምዝ እብ ክርን ሕፍሰት እግል ሕድ ለልትላከው እቡ አሰማይ ክምቦም ተአመረ። ምነ ብሕሰ ወዳ ለዐለው መጅመ-ዐት ላቲ D/R GOYCE POOLE እት ሀበዩ ሓብሬ። እሊ እት ሐዋናት አወል መረት ለሳድፍ ምስጢር በሐሰ ክምቲ እት ሸርሎ። ቀደም እሊ ሐዋናት ክም ከረ ፓፓጋሎ ወዶልሬን ለእሉ ሰምዖ አክረናት ደግሞ ክም ዐለው ለልተአመር ቲ። እሊ ናይ ሐረምዝ ላኪን ክል ሐርማዝ እብ ናይ ሰማይት ክም ልትላከው ለዐ-ለማእ ሸርሎ። መብዘሐ ወቅት ዐይለት ሐረምዝ እንዴ ትፈንጠረው ክም ነብር



ልትአመር። ወእግል ልጀምዖ እት ለሐዘቲ እቲ ወቅት ሆይ ሕድ እት ልትላከው ክም ልትራከቦ ለዐ-ለማእ ሸርሎ።

ሳድስ ወሬር ክብ ካርቲን

ፊሽጽ እግል ወገንብን ዲቡ ወ ቻዕቡ ደግል ለኮትገዳ ህዶ ዲቦ ለገተፎህ እት ልብሊክ ተቃህር እግል ስንገዳ ገንብተ። ምን ክኦ ስመህዳይ ሕሳይ ህዶ። እግል ስር ቆመት ሸፊት ደመርናህ ግብርኤት ሕድት) መ ህዶ እት መገጠ ሓንገሪ መ ህዶ" ሳንብል እት ዐገገ ክሊያ።



መሃዕኩ መሃት

- * እንዴ ኢልኣኬ እግል ረዩም ወክድ እግል ልጽናሕ ለቀድር ነብረ መዐር ቲ።
- * ከመዶር (ጠማጥም) ምን ጅንሰ ክዳር እንዴ ኢገብእ። ምን ጅንሰ ፈዋክህ (ፍሬታት)ቲ።
- * ጭፍር እዳን ምን ጭፍር እገርን እብ ሸፋግ በቅል።
- * ቡርጅ ከሊፈ ለትወቀለ መብኝ እት ዐለም ቲ።
- * አክቶፎስ ለልትበሀል ሐዋን በሐር ሰለሰ ልብ መልክ።
- * ንሳል ዘራፍ ሪመ 20 ሰ.ሜ ገብእ።
- * ቀውቀዕ (አረኔ) ሐቆ ሰክበ አሰክ ሰለሰ ሰነት እንዴ ኢፈዝዕ እግል ልጽናሕ ቀድር።